



唐大詔令集卷第七十一

典禮

南郊五

大和三年南郊赦

會昌元年南郊赦

會昌五年南郊赦

大和三年南郊赦

四百廿八 赦全

王者祇見宗廟情極於孝思肅事郊丘義崇於嚴配諸侯駸奔於助祭百
 靈眚蠱而降祥感達神祇斯為茂範朕以冲昧獲嗣丕業兢慄寅畏于今
 四年屬興大叛之師未暇燔柴之禮今因南至有事圖丘薦誠勤於二儀
 申感廟於九廟群祀果享至誠必通既陳言以告虔宜覃恩而廣澤可大赦
 天下自大和三年十一月十八日昧爽以前大辟罪已下罪無輕重常赦
 原者咸赦除之唯犯惡逆以上及故殺人官典犯正入已賊不在放限左降官量
 移近處已經移更無移縱元赦云終身不齒者亦量与叙諸色得罪人
 中如先有勅云縱逢恩赦不在免限并別勅安置者亦並委中書門下

量事狀重輕節級處分常叅官及諸州刺史有先因停替及以病解免并終制未授官者委中書門下量才進擬其有偽出身人近已從流者與處近未處分者減處分未發覈賣官人並仰赦書到後一月內於所在納官告首得免其罪如不陳首者不在免罪限其京兆府來年夏青苗錢宜放一半應度支鹽鐵戶部三司所管諸司官吏所由人戶等節級疎理放免天下除兩稅外輒不得科配其擅加雜權率一切宜停仍令御史臺及出使即官御史并所在巡院嚴加訪察應緣乘輿服御宗廟供須一事以上當從儉約自今已後四方並不得輒以新樣難得非常之物為獻其機杼織麗尤甚若若花線布撩綾之類及幅尺廣狹不中度者並宜禁斷仍仰天下州府勅後到一月日內所有此色機杼一切焚棄犯者以故違勅論諸道先割屬支郡將士如聞衣糧猶繫使司詳其事理頗非簡便宜委本使差官檢元割名額及糧賜等第及案與刺史勘會除續准詔勅停外據所合給錢米並以當州合送錢米依實虛折計劃入留州錢米數勘會訖州使各具分析聞奏應緣解補支給並委本州其使司更不得收管方鎮判吏在京除官所須收補隨從人數有即為節限他時替罷仍令隨便停其方鎮交伐之時及知留後官不得輒有補署刺職

在分憂得以專達事有違法觀察使然後奉奏頃年赦令非不丁寧如聞遠地多未遵守州司常務巨細取裁至使官吏移業將士解補占留支用刑獄結斷動須稟奉不得自專雖有政罷無所施設選致長吏掎何貴成宜委御史臺及出使即官御史嚴加察訪觀察使奏聽進止本判官不得匡正及刺史不守朝章並量加貶降若所管州郡控接蕃夷軍戎之間事資節須得使司共為條理即不在此限如聞近年以來京城坊中及畿甸百姓等多屬州軍諸使諸軍召補之時郡無旨勅差科之際頓異編氓或一丁有名則一戶全免宜委本軍本使及京兆府切加提舉准元和六年八月京兆府所奏勅及長慶元年制節文處分諸色出身三衛最濫假冒官蔭妄用優勞其三衛宜三二年且不得補人數尽无如更補委有司條流嚴為限制每所補注挾名替闕如便可停廢亦謂實聞奏其六宅十宅諸王女縣主宜令每年於選人中擇情願者配尚授官之時量加優賞罷秩之後仍減二邊其初婚者便有賜與使備行李如非士類不在選限武德已來配享功臣及將相名疏尤著節義顯聞而子孫凌替官闕廢墜未經甄錄者委中書門下搜訪徹嗣特加優獎故尚父汾陽王贈太師晟贈太尉秀

寶子孫中未經甄獎者每家與一人正員官亞獻循王適終獻恭王通等
夾侍正依進珪捧珪各賜物有差內文武及致仕宗室官諸親太后三等
已上親并應緣郊廟大禮行事進階給賞賜各有差

會昌元年五月南郊赦

門下古之令王肇極皇莫不嚴禋郊廟統和神人將以承上天之眷命告下土
之率服恪有令典留為後法是太陽施光洞死私之臨照和風扇物樂
有截生虛明察為先誠訖收屬斯道不遠弘之在予朕以寡昧入奉不構應三靈
之協慶祇德以咸美代即樂推賴元臣忠力虔琴方鼓萬萬國謹心頌以涉道
多闡揚若取朽凜如蹈水納隍勤誠勵之懷置器審安危之地苟一物失所時子
之深辜粵以猷歲告辰神祀上帝煙燎既達牲幣克修百神受職而恭勤六合
承休而需洽禮成而退慶熟大焉思與公卿大夫內外臣庶道迎喜氣同我休
嘉變生人之耳目振大化之綱紀立号垂統自中形外延八表之福敬吾始之惟新
事天之禮既因高以薦誠及物之思宜順時以布澤可大赦天下改開成五年為

會昌元年

會昌五年正月三日南郊

門下王者事帝必嚴禋祀之容臣下歸切爰極推功之義既膺顯号式展儀因
時布和順歲更始前聖垂範逮予是遵矧以眇身達逢昌運雖履水惟
懼而涉道未周繫我輔臣洎茲別岳內尽交修之志外分共理之憂乃者虜
衆乖離部族頻附收帝子於羶裘之所致名王為冠帶之臣昆來朝不達
萬里夷貊嚮化克同九州重以上黨狂童竊襲叛亦問罪之師既集元克
之首遂臬廟清乱風洗滌汙俗翦逆弁而故都底定竄靡尼而懷法永除由
是退惡進賢化行令舉刑奸賊之吏黜貨之家此宗社降虛助成時政豈朕涼
德獨擅厥功而中外誠臣文武多士累陳懇疏再舉鴻名辭不獲從被此虛美
是用處告清廟明禋上玄煙 所升虛既如荅既 郊廟重申國經且因
行慶之辰誕布惟新之令同我景福永孚于休可大赦天下

唐大詔令集卷第七十二

典禮

南郊六

大中元年南郊赦

乾符二年南郊赦

大中元年南郊赦正月十七日

四百五十一
編年

門下執大象者導陰陽之和帝率土者茂生植之化粵自軒昊
暨于唐虞側身皇階虛已大寶握金鏡之明耀致玉燭之融明惠中國
以綏四方欽上玄而有兆庶所謂至德勞深企懷朕荷先帝之眷求奉
祖宗之成憲獲撫方國統和三昊兢嚴丕構惕勗神器實賴昊穹嘉
享神祇降休蚩夷戎狄之聿來鳥獸草木之咸若真宰潛運玄功
啓光交禾豐登兵革偃息物不疵癘人無天昏發揚氤氳數佑寡
昧夙夜祇戴訥謨紀經尚惧德教之未宣者黎元之未忝暴虐之
害政朋邪之敗風念困窮思臻富庶每與赤子之歎不知黃屋
之尊爰同首政克舉彝典告受命之纂緒展嚴配之盛僚柴燎

升聞馨香殷薦群祀昭答百神來享精誠既達感慶良深是用
津青恤刑改元建號利時者不廢使人者必行俾覃在宥之恩
以順發生之氣與之更始咸使惟新可大赦天下改會昌七年為
大中元年

乾符二年正月七日南郊赦

元化序時日月啓貞明之照神功宰物乾坤垂覆燾之仁万物仰
而遂生百王體以為用朕虔膺賸命恭守丕圖懼氛所承慮違
厥道每取朽以思戒若涉川而靡寧自臨御已來夙宵增勵幸而
文修政簡歲稔人安賞推公忠厚成倍道漸臻於清淨理將致
於雍熙由是礼上帝用答天休御端崇門以崇皇極是彰報本式
叶休元尚念蠹於政事者未除害於時者未革尽施條制以絕根
源更表申恩仍行津青昔因湯解網實謂至仁漢文措刑永称
至理在有乃為君之德好生實有國之規令復承以陽春之時布
其渙汗之典上符天意旁契人心大礼備陳彛章克奉謀猷廣
脩声教遐宣期昭泰於寰區亦涵濡於動植溥天率土既樂玄風四海

九州宜覃慶澤可大赦天下自乾符二年正月七日昧爽已前大辟罪
已下罪无輕重已發竟未發竟已結正未結正繫囚見徒常赦所不原
者咸赦除之唯犯十犯叛逆已上及故殺人官典犯入已贓兼情涉巨
蠹及持杖行劫并故殺人者雖已傷未死更生意欲殺傷偶時死者並
同已殺人法处分買賣毒藥開劫坟墓及刑獄之內官吏用情推勘不平
因成冤濫无問有贓並不在原免之限數本睦親古今典制永惟負荷
常切憂兢應宗室有材可行昇淪落在外並委宗正卿專加察訪旋
申尚書門下量材处分惠安皇太后凡有總麻以上親各委所在搜
訪開奏仰酬碩復何擇親疎爰念播迁重命牽復至于殂謝亦使思
綏用表深仁以彰玄化左降官量移近处已經移者更與量移加官至刺
史准刺史月限例處分諸色官未復資者有司別條流聞奏如合復資者五
品已上中書門下便與處分六品已下任依常例選集丁憂去任及在憂制
受貶者服闋日亦與量移緣責除降資正貲官及緣累停免未經引用
者並量與進改流入及降死從流者移近地如已收叙者量材錄用并
僧尼道士移錄者亦放还勸善懲違朝廷大典苟或隳紊何以聳人其

流貶人其中或有情狀巨蠹物議不容者不在該恩者流貶人如已身故家口歆還及須歸葬者所隨所便如緣葬事幼弱飢寒不能自濟者委所在長吏量給棺襯優恤發遣左降官及流人等有官者如已歿各還本官亡官失爵痕累禁錮者並從洗滌諸色流貶人元勅內云雖逢恩赦不在量移之限有自前年十月十一日赦書後已經量者五千里更与量移一千里三千里外與量移五里情狀唯容者不在此限天德五城流人負罪素重元勅未經十載不得放還令屬洪恩須令沾及宜減三年如年限已來漏便放還從九月四日降郊祀勅後流貶及引決妄稱寬人等并重推覆囚徒並不在此限近日奸險之徒多造无名文狀或張懸文榜或譔造童謠此為弊源合處極法應捉獲此色者准持杖劫人合造毒藥例經赦不原其所得文狀准律文於所在焚毀不得徵連賊以利疲人是叶政經期為理本京兆府去年夏青苗錢每賣量放三百文所放錢如是府司占留色日委戶部准旧例據數支填其咸通十一年已前百姓積欠兩稅斛斗及青苗權酒錢并私草戕田糠麥麩棘棘等徵收不得空繫簿書者前年十月十二日赦令已令蠲放至今尚未了絕宜令所司速具放免錢物數目分折奏聞如在官典所由腹內者不在此限從咸通十年三夏已前京兆府所欠諸陵園及諸軍諸使錢草斛斗非諸雜物一物已上宜並放免其諸縣所欠府司錢草斛斗一物已上亦並放免從咸通十三年夏已前京兆府所欠諸陵掌閑曠騎丁資三衛等資錢亦並放免旬內逃亡人戶尚徵稅物切要條流以安疲瘵委京兆府差官逐縣勘覆其逃亡人戶產業田地未有人承佃者具隨田地苗稅除相權酒錢及斛斗等並權放三年勒常切招召人戶三年後再差官勘覆據歸復續却收稅從咸通十三年已前旬內所欠延資庫戶部度支權酒除相及和采賑貸錢物斛斗一物已上並宜放免內庄宅使巡官及人戶等應欠大中十四年已前至咸通八年已前諸色錢六万二千三百八十貫三百文斛一十万三千七百九十緡二十二万七千五百八兩麻二千四百七十斤草二十六万五千八百五十五束念其累歲不稔人戶貧窮徒有鞭笞絡難徵納並宜放免三司所錢物已遣不徵必慮依近遣尚猶追擾度支戶部鹽鉄三司應收管在城及諸州府諸場監院所欠咸通十年已前諸色錢物斛斗等前年十

月十二日赦文並令放免所司不得更生節目妄有進徵如聞所司官吏緣循至今尚有盤勘都非公但務生情歲月轉深奸弊頗甚各委本司差定官一人專勾當但據見在文帳檢勘除官典所由請領官錢和采和市及在場官供官招商所由帳內正身見在外其身已亡歿曾經檢責及正身見在貧窮家業蕩盡無可徵納者并逃竄捕投未獲因繫妻男推徵保人等仰便據年額請免除去簿書不得更行文牒妄有盤問赦書下後限一箇月內具放免錢物單數分折聞奏如更稽違本勾當即官當議貶黜典吏等痛加懲斷停解天下州縣官銓司注擬便有選自朝廷何故三司監院官索州縣承迎去是制院恐嚇州縣影占富豪從今後有監院處亦仰州縣常加聽察如監院官有不公不進各申本州行牒本司便如狀事稍重仰專差使送申狀本司事大則任聞奏兼申中書門下御史臺以憑推勘所冀遞相檢察不敢侵凌諸司便換素有定規近日苟且緣循漸至虛折高徒則獲利倍於往日所司則侵損轉難任持若不修流積成蠹弊其三司便損宜令准咸通十五年閏四月二十一日度支所奏

處分如尚踵前必奉朝典制置新歲酒錢其戶貧破者州縣不令破戶或賣柴傭力以納我令所由司條流聞奏其河南府界蒿荒地委河南尹於稅錢三分之量與免二分勿令便無路營生聚為草賊其天下州縣除已准元勅徵收兩稅權酒錢茶鹽利旨支米價等分外餘額外如徵別配及販柴炭之人納稅等元無勅文緣本道奏請降勅並仰勅內便皆停罷仍限勅到後二十日內外折聞奏並不罪今日已前之事如又不已必奉明刑曾經水旱已放徵科或慮緣循須更提奉諸道州府或有遭水旱甚處去年夏稅合納苗稅等錢委本州府長吏酌量蠲放其咸通十年已前所欠負兩稅錢米等在百姓腹內徵收不上者前年土月十二日赦書已放免仍委州府速檢勘蠲放分折聞奏所州縣除前資寄住實是衣冠之外便各將攝官文牒及軍賊賂遺全免科差多是豪富之家致若貧下准會昌中勅家有進士及第方免差役其餘只庇一身就中江南富人多一武官使疵一戶致使貧者轉更流亡從今後並依百姓一例差遣仍委方鎮各下諸州准此檢點江淮運米本實閩中只緣徐州用軍發遣全無次第運腳價妄被占射本色米空存簿書遂使倉

廩漸虛支備有闕緣循弛慢全自戕司宜令轉運使速具條流分析聞
奏總及春緩便項差清強官吏節級催驅嚴立科條項及日額苟或踵
前容易必奉朝章却傳供項遞馬數目素有定制合守前規河南館驛
錢物至多本來別庫收貯近日被府司奏請哀同支用遂使遞馬欠缺
料糧不充憲司又但務緣循都不提奉宜令東臺館驛使述其條流分
折東奏東都留守所管立數不少無非市肆之人緩急抽差全不堪用
防衛宮闕尤所非宜頃有條流以革前弊宜令速分析見在闕額并
老弱人數聞奏應緣州府經費悉有日規近者不務在唯恩潤已
或聯遇豐稔亦不貢羨餘若小有水旱即競有論請致令朝廷事
刀轉困全在臣下誠敬何乖自今以後如輒將上供一錢物支用並當
加譴責不在原貸之限如本道實有災荒積為甚衆所知者不在限
例朝廷徵發兵士固非獲已道途頓遞費勞至多又聞節級項
得人事禪補每縣不下五千文尽配疲人深可哀憫自今後但供
備無缺輒不得踵前率配如或違犯縣令本曹官重加貶降人吏決
杖配流其却知兵馬使已下並以枉法贓論立法之始當在必行諸處
本置作坊只合製造戈兵甲及進獻供項昨徐方用軍諸道多無兵
器內庫般送填塞道途如聞作坊唯使雜伎弓甲之匠十無一人打築
即唯務精新器甲則惣妄修整自節察至刺史皆為信臣不能委
曲條流各宜自知改革諸道兵士非唯缺額不堪兼又軍將數多一員
敵官健數分又占官健當直遣納課錢其弊數重深要際蕩仰
諸道各自檢點如或本自書題又無功效非軍中子弟空請職名
者並皆疎理其軍將等各遣納課錢者並准入已贓結罪科斷東畿
之內留守影占最多稍富者不揀城外村中盡有一虛明文牒亦
犯罪者亦稱此名府縣若追但行牒却取自外則推勘了牒送事
重者則與勒停委留切不得遞奪免致聞傷其在京諸司亦仰各
依此例如被抑屈但其奏聞且徵兩稅自在有常期苟或先自准駁
必致齊人凋弊蓋緣機織未畢持踐未終便項令賣繡繒賤出米斛
斗致使豪骨迫感富戶吞侵項更申明俾其通濟諸州府如有不
依旨限先朝徵稅者長吏聽奏進止縣令錄事叅軍並停見任書
下考不在務恕之限閔要之外声教至遙每念疲人尤多橫役訪

聞五嶺諸郡修補解舍城池材石人工並配百姓至於糧用皆自贖
持既不折稅錢人全無優卹永言凋瘵實可憫傷自此委節度觀察
使接借本錢并刺史百計收拾運轉別立修造案名額遣幹濟官主
持常今急遂修勞勿遣大段摧毀永放百姓額外差科已債卹人斯
為盛美遐荒賤吏尤可哀矜先於咸通五年梧州采十萬石米停
貯數載之後方令盤送邕交如聞旱濕損傷雀鼠耕折計其所言大
萬石餘累載已來亦頗校料徵納主持軍將十餘輩推保累數百家
或科決不輕或資材蕩盡典男鬻女力竭計窮盡虛掛簿書徒為羈
紮宜從寬宥用釋憂其所久米委度支一時放免邕男交趾屯駐兵
亡全無運糧俾其足食湖南江西管內諸郡出米至多豐熟之時價
亦極賤綱官若得錢收采每斗必有盈餘道途既可經營輸納
無敗闕緣於官倉領米刮鉄平量既潤資陪便致吞侵耗折所以經年
累月舳舻所相交江路多有沉淪軍食常憂久缺自令仰所在長吏切
須饒潤綱官早令友付脚錢仍與善價采買嚴不刑賞不使稽遲邕
州安南晏州見屯諸道行營兵亡合食米錢等三處兵數近四方
日食錢米費用極多全在諸道州使使院饋運相繼免失支持近日以
南中為警急抽差皆務循將相同常事蓋緣地遠差綱無利皆託以鹽鉄
戶部指揮米得分明申報逗遛畱延界分或有未有本色皆云額望收
錢及綱官進發之時欠脚錢途路侵盜錢米所至稽停每發一綱便逾
星歲致令供軍使頻申三處月限不相接續所司前後申奏行牒督
責非不丁寧蓋緣只有科賤之名曾無必行之令遂致全無稟悞但務
緣循若不嚴立科條必恐轉成敗失其諸道州使使場監院所合般送南
中供軍錢米各委所在長吏併發綱舡以濟軍用仍委逐道節度
觀察防禦經畧刺史差最大判官一人專判校科其使場監院官場官
自專催促各令設法勾當克濟軍須如依前逗遛不早送申遂使邊
軍糧儲欠闕供奉不得相續便據所欠錢米處勘逐重加貶責如州使
官吏場監院官能罄誠節慎選行綱支遣及至舟舡繼至即重議
酬獎河東向管延資庫斛斗五十萬石每歲出陳入新之際勞
擾州縣百姓至多未有用時積為深弊宜令本道節度使点檢除道
路與邊鎮接近緩急堪般充軍糧者即且准前其餘深僻州縣並速條疏

分析聞奏義倉斛斗本陽灾年所貯積歲多翻成侵害又差重了大
戶充倉督子弟主管凡節察及監軍使刺史縣令到任仍須二毫量
差後鄉夫數重勞擾每一量覆文折轉多主掌之人貼家竭產生靈
途炭州縣用窮從今後宜五年一度變換便糶貸收錢入冬却糶仍
委本道監使常加訪察如有上下蒙弊欺隱破除聞奏但不要初上
之日須重覆量每擾度人朝廷大弊在於令不行只如經水旱州三降
勅命不許將逃亡視推見在人戶遺灾水旱 處有拾見在戶兩陪徵
或至三陪又近年以來節度觀察使或初到任或欲除移是正二月百姓
飢餓之時公道二日條先抽徵見錢每一千文令納三四百此時死兩
倍三倍生生舉債至死賣男女以充納官行彼貪心殘我赤子從今後
有如此者必舉極法以謝生靈諸道事例差使結權法信出於官中
答獎歸於私室駐留供備迎送優豐進獻不副常程結好却為公
事唯奏欠缺不思本源其隣境結權何必事須厚幣來者若為
私物去者何必宮錢道慕空門名為釋子若非精進何以住持應
城及諸州府僧尼元勅人數外不得轉令私度如有死亡等闕即
任據人數堪填補年終聞奏待五年限滿待每收補皆須選擇有
戒行事業者多今濫雜之輩於此容身天下刑獄申到法寺及刑
部有經數年不得了絕省寺人吏覓邀賂出入律文大理寺及刑
部官不僚親公事致死一案之內半死獄中從今後委中書門下每
日点檢如停滯者大則貶降小則停勒其刑部郎中員外切須選
擇亦不得輒其奉使以望賄財有文案則併送對所行貨財則獨
收私第准咸通十一年條流諸州刺史三千里外限三十箇月二
千里外限二十七箇月近者勅刺史到郡交代則可以計到郡月滿
便且除移如新除者則須待月限滿除替其餘內外諸官並依
咸通十一年條流如有限未滿錯替者任經中書門下過狀便與
追勅有過失須替則不在此限兩省官本令先任四赤令貴款如
人疾苦近者總三五月則替何殊因生空陪優人從今後宜以十五
月為限兩畿令府判司從前吏部注擬頃年或除三人兩人近者乃
至除望縣令及部尉等中書自不存体百司何以仰瞻其進馬千
牛本限五年方滿近者旋替年深致使入任多門三銓无缺從

今後如或用年深缺補人兵部即官必議貶降詞科出身士林所
重本貴踐歷漸至顯榮近者唯扇洗風皆務躁進麻衣純脫結綬玉畿
是能十年宦途今來半歲迂授頗為訛弊須舉重明自今已後進士
及第並須滿二周年後諸道藩鎮及戶部度支鹽鈔及在京諸司
方得奏請如未及奏官限內有攝職處一任隨牒備其弘文館集賢
院奏請直館校理並依此月限如出身後諸道奏已請初銜未得
兩考者輒便奏畿內尉充在職兩考方得依資除官改轉其授使
下官先自有月限資序一須守舊規不得超越比擬准咸通十四
年十月九日勅文處分閔節取受本身值財素來貧乏亦多奉
債祇緣從來赦文未甚分明賞罰若行必當止絕自今已後如有人
鎖錢買官納銀求職敗露之後言告之初取與同罪下射死捨其
錢物等並令沒官送御史臺以贓罰收管如是波斯番人錢亦准此
處分其櫃坊人戶明事知情不來陳告所有物業並不納官嚴加
懲斷決流邊遠庶絕此類用其清平樂官乞託本自人情既越舊
規過於債負雖累有明勅尚不遵行兩迄不切追擒教場又不

鈐轄從來上於方鎮近日方鎮與樂官人事轉多別有迂除例皆乞
覓喧呼門戶擁塞階庭以此得官人不願除授自今已後除方鎮外
兩迄使及諸司外迄切加擒捉如有此色具送奉司加禁勘責痛加懲
斷以絕此斷近年以來風俗奢侈本營根本各務誇張及第登科
傾資竭產屋覓踰於制度喪葬皆越於禮儀為冊使吊贈之臣或
爭財貨乞賜章服之類不畏慙羞致使兒童或輕朝烈念茲靡媿
常行歎嗟委中書門下次第條流稍流改革輸其常賦尚慮不充
更或加徵其何以濟近年百姓流散稅錢已多如聞自朝廷用軍
有終百姓正稅外每貫紐四五十文已是數年至今不矜放黎
氓寬抑腿脊瘡疾所徵錢則將充諸色支分所添兵則逐月銷減
每思此事深可歎傷其天下緣用軍奏加紐貫之更有敢徵一文其
長吏及判官錄事參軍並准入已贓仍不在以官贖之限其鄭州庚
道尉在任日加徵稅錢如或却徵亦依此例衡鏡之司去留雖切念其
羈寓須與商量支部選人如聞累年駁放至多或文狀粟錯或書
判差池有司守文不得不尔况選人例迫飢人寒遠來調集頻

年被駁情實可矜既遇鴻恩合與優假委吏部檢勘去冬選人若有此色除身非名踰濫及久選久考外並以比遠殘缺取其情願者特與却收注擬諸道奏官奏者緣要缺舊人不理從今後并須分明具不理罪愆先加懲責有罪空替則是惠姦其奏前資及見任多有虛豎頭銜用錢計會從今已後有官更奏者便仰兼通告至進奏院以憑點檢如告身不到不在奏行其虛銜所奏只與九品初任仍奏狀內須是三代官諱及鄉貫戶頭年幾餘各依資奏請河北三道不在此限守土長人切資士族品流混雜必害生靈刺史縣令如是本州百姓及商人等准元勅不令任當處官不繫高下蓋以事體不可兼又十室九親多有增愛一切阻碍公事難行近年此色至多各仰本道通檢相察當日勒停百姓商人亦不合為本縣鎮將若有違越必奉典刑禪補除任實在獎勞奏請繁多則為過濫咸通七年赦書條流諸州府奏軍將官不許除上佐如有功須獎即於本管內除授仍不得占優原處近日諸道不守條章或分兩三度奏來所貴前後不相見但行計會貴得人多後從自後諸道軍將官並限七月表到京今之初行宜武臣之叙進據所合奏人數一表令如有別勞効者即待明年七月不得兩度貴行欺隱忠臣社稷誓著山河或盟府勲或闕宮配食宜舉賞延之典刑彰義烈之名故尚父汾陽王贈太師晟贈太尉秀實贈太師晟贈司徒顏果卿太師其卿許遠張迺南霽雲子孫中未甄獎者每家與一人正負官安金藏頃頃中節實異等倫合為疇庸以勸義士如有子孫與一人正負官武德已來配享功臣名迹尤著節義顯文子孫凌替官闕廢墜未經甄錄者未經委中書門下搜訪嗣徹量加優獎慶連宗室義重維城洎文武群僚恪恭事務用酬勞績宜降恩私亞猷撫王紘榮王情等各賜物一百疋夾侍正衣進珪捧珪各賜物五十疋亞猷終正衣各賜物四十疋大長公主嗣王郡王縣主各賜物內外文武見任及致仕官三品已上賜爵一級四品已下加階合入三品五品欠者未合叙考者待考足日聽封叙孔聖之後未知虞賓之恩式表崇儒以明繼絕文宣王之後及二王三恪各與一子官其祠廟委所司量加修飭義在奉親道唯睦族將中孝敬合示恩榮皇五等已上親三品已上賜爵一級五品已上加一階六品已下及前資常選散官

簡選日優與處分未有出身倍者准會昌五年正月三日敕書處分
應陪位皇五等已上親三品已上賜爵一級四品已下加階親四等并
諸色倍位者五品已上加一階六品已下各白衣並賜勳兩轉其前資及
後出身各減一選皆懷追養之願尽有榮終之心授任封崇式先存
歿常叅官及諸州府長官父母見在未有官封者並量與五品致仕及階
并邑号如有官者量與進改如官已至五品已上者即與五品階父母
亡歿未經追贈者量與追贈及号邑任榮輔相寄重藩方泊于親
軍咸秉忠節俾令追贈以顯榮中書門下及節度使帶平章事
者各與一子八品正負官祖父母父母亡歿各與追贈已經追贈者更
與追贈節度使與一子正負九品官東郊留守度支鹽鉄使觀察處
置都團練防禦經畧招討使皇城留守各與一子出身先亡歿未追
賜者各與追贈度秦典章肅供祀事宜單泥澤以獎勞能禮儀使
大禮使京兆府尹各與一子正負九品官應郊廟升壇行事官溥恩
外中書門下尚書省御史臺三品已上特加一階四品已下各加一階如
八三品者量減三考入四考者量減三考入五品者量減兩考仍待考
足日聽叙其合選人與減一選內行事者官三品已上賜爵一級四品已
下更加一階內侍省及內坊官四品已上各賜勳五轉五品已下各賜勳
三轉應從駕至郊廟者溥恩之外三品已上賜爵一級四品已下各加一
階白衣賜勳兩轉位列牙爪職掌警衛念其宣力宜加疇勞

唐大詔令集卷第七十三

典禮

東郊

親祀東郊德音

北郊

太極元年北郊赦

明堂

詳議明堂制度詔

頒明堂制度詔

親享明堂制

明堂灾告庙制

親祀明堂赦

社稷

親祀太社詔

昇社稷及日月五星為大祀勅

東郊

親祠東郊德音

皇王之化載籍所陳將奉天而育物必順時而行教雖禮文則著而親祠蓋闕朕自膺寶曆且踰二紀承宗社之蕃祉八卿之叶心万物阜成庶務簡易思以黎猷臻夫人壽是用敦本復古將必稽於月令謀始作則先有事於春郊宜因展禮之辰式布惟新之澤其天下見禁囚應犯罪者特宜免死配流嶺南已下罪並放免朕每念黎甿弊於征戍親戚多別離之死關山有徃復之勤何嘗不惻隱於懷寤寐增歎所以別遣召募以寔邊軍錫其厚賞便令長住今諸軍所召人數向及在於申夏自能罷兵既亡金革之事足保農桑之業自今已後諸軍兵健並宜停遣其見鎮兵並一切放還京圻之內雜役囚繫言念劬勞豈忘優卹頃者櫟陽等縣地多鹹鹵人力不及便至荒廢近者開決皆生稻苗亦既成功豈專其利京兆府界內應新稻田並宜散給貧下及逃還百姓以為永業書不云乎不作無益害有益語不云乎奢則不遜儉則固緬惟常古前有在心將斷雕以為樸期上行而自今已後王公並不得以珍

物進獻所司應緣宮室修造務從節儉但蔽風雨勿莖飾至如金玉器物諸色雕鏤朕緣蕃客所要將先宴賞令流俗之間追相倣效既損財於無窮仍作功巧以相伶敗俗傷農莫斯為甚並一切禁斷以統浮華古者卿有序黨有塾將以弘長儒教誘進孝徒化人成倍率由於是斯道久廢朕用憫焉宜令天下州縣每一鄉之內里別置各孝仍擇師資令其教授其諸州鄉貢進士每年引見訖並令就國子監謁見師所司設食季官等為之開講質問疑義且公侯之胤皆稟義方季禮聞詩不應失墜容其徼幸是長慢遊如聞近來弘文崇孝士緣是貴胄子孫有專經業便與及第深謂不然自今以後宜依式令考試朕之爵位唯待賢能雖選士命官則有常條而安卑遁跡尚慮遺才其內外八品已上官及草澤官有學業精博蔚為儒首文詞雅麗通於政術為衆所推者各委本州本司長官精加搜擇具以聞奏發生之月寔在於行仁利物之心莫先於作善先斷捕獵令式有文所由州縣宜嚴加禁止其每年千秋節日仍不得輒有屠宰道釋二門皆為聖教義歸弘濟理在專崇其天下觀寺有絕無女道士僧尼者宜量規

寺大小度一七人問擇約然有經業成行為卿問所推仍先取年高者凡百卿士朕之同德宜勉修所職以合時令禮有時施惠義兼行賞寔為其時固不可缺亟獻終王璵宜賜物一千疋終獻穎王璪賜物五百疋邠王守禮寧王憲各五百疋慶王悰已下及長公主郡縣主二王後京文武官賜帛各有差天下諸州侍老宜令所由長官量賜酒內務在復養今朝廷無事天下大和美景良辰百官等任追勝為樂宜即布申外咸使聞知

開元二年正月

英華四百五
初后土制

北郊

太極元年北郊赦

門下朕聞大事在祀禮極乎郊丘大德曰生道存乎赦宥故至誠斯感允接神明之休盛典律修必敷雷雨之施古先帝代躬祠后土所以崇兼載之功配博臨之義有虞氏之禘祫於山川成周氏之從祀逮於林澤西漢汾陰之睢東洛翠媯之禋雖禘祫而道極可規曹馬以還數百餘載蓋設儀而不復或誠信而未孚有廢祀莫得能奉我國家受命也承百王之季啓三統之元高祖神堯皇帝膺錄受國圖繼天立

禋



極太宗文皇帝弔人伐罪南征北怨是用拯生靈於塗炭登物忌於休和高祖天皇大帝惟睿作聖垂衣而理大聖天后受託後權當守而化中宗孝和皇帝允恭克讓守文御能致刑措於變時雍朕以眇身恭荷丕構常恐政理乖中風雨愆期惕慮周於方疢懷於一物幸乾坤交泰宗社降靈氣無疵疠之灾物遂生成之性呼韓慕化侍子來庭月支請駁名王入貢大荒同軌瀛海無波俯循涼德載懷黃畏故以歲首肅事禋宗爰撰令辰親祀方澤採黃圖之舊制定累時之前基心謀取則於禮經宥密同規於詩頌三祖登配群望畢從咸池之舞在列合鍾之管斯應祥風入候當乎八變之殷瑞日揚暉屬乎三獻之始臣助而眷悅兆庶觀以相趨誠敬克申感慶交集頌緣郊籍已肆日灾貸宥之道未應累降但精享云缺既曠代而方循福釐所被思寰宇之同休宜因大典式暢洪思可大赦天下改太極元年為延和元年五月十三日昧爽以前大辟罪以下咸赦除之其十惡及劉誠之胡太宰徒詔官人受贓並不罪赦限文武官預大禮各賜勳一轉桓彥範敬暉崔玄表恕張東之等特还其子孫實封二百戶大

英華以下
英華

酺五日

明堂

詳議明堂制度詔

朕聞合官靈府創鴻規於上代太室總章標茂軌於中葉雖復質文殊制奢儉異時然其立天中作人極布政施教歸之一揆朕嗣膺下武丕承上烈思所以答眷上靈事遵孝養而法宮曠禮明堂寢構永言大禮朕甚懼焉且命所司與官季士等考覈故事詳議得失務依典禮造立明堂度曠闕文獲申于茲日思展永垂于後昆其明堂制度宜令諸曹尚書及左右丞詳議

頒明堂制度詔

首出万物實顯崇高之位曾覽八音絃無遺向明道合官聽朔闡黃軒之茂範靈通神敷帝勛之景化殷人陽館青瑤備禮姬氏玄堂彤璋獻雖運殊驪翰時變質文至於立大中建皇極軌物施教其歸一揆泊乎西京創曆駁政逾繁東漢開基舊章猶闕考圖汶上僅存公王之儀度室圭纒終紀中元之制二方昇據祚傾於金馬五湖塵

尺

擾道喪於蒼鷲自此相仍時經版蕩遂使陟配之典久淪於縣載端宸之化允屬於隆平朕恭膺宝命肅奉瑤圖昧旦求衣吳景忘食賴上玄垂祐宗社降靈幽明宅心中外禔福封金岱嶺昭累聖之鴻勳九都文考之先志功標偃革時會委裘固可以作化明堂顯崇太室修機之曆既表於嘉明布政之宮式崇於美制是用求中景已取則陰陽考廣衣於裁圭定高卑於置繫傍羅八柱周建四墉如字儀天疏基象地憲闡齊應路並興導辟水以環階應旋衡而結極重阿復道用循測管之模上圓下方仍准分著之數木工不琢土事無文豐約折衷經始勿亟句芒候序入春圖而司儀尊收戒時下秋園而奉職事符神道鉤繩之用畢陳儀叶子來豐落之期非遠以肅禋清祀展躬薦於皇靈施號法宮暢休聲於大帝百神贊感尊孝享之風方國庭共觀太平之政缺文斯備大禮聿修制作之規可依別勅宜頒示天下永垂來棄

親享明堂制

昔軒皇御曆朝万国於合官舟陵握符咨四岳於衢室有虞揖瑞總章之号既存大禹錫圭重室之名枚建殷人受命置陽館以辨方周室凝圖

立明堂以徑野用能範圍三極出贊五神展尊祖之懷申宗祀之典爰從漢魏迨及周隋經始之制雖只修廣之規未脩朕以庸昧度膺厚託受寄於綴衣之夕荷頌於仍允之前伏高宗往年已屬意於陽館故宗輔之縣預紀明堂之名改元之期先着愬章号朕於乾封之際已奉表上陳簡震心未遑營構今以昂郊勝壤圭邑名區處天地之中順陰陽之序舟車是湊貢賦攸均爰藉子來之功式遵奉先之旨夫明堂者天子宗祀之所朝諸侯之明也開乾封之奧策法氣象之運行故能使災害不生禍亂不作眷言是烈豈不美欤比者鴻儒礼官所執各異咸以為明堂者置三里之外七里之內在國明陽之地今既俯迓宮振恐黷灵祇誠乃布政之居未為宗祀之所朕已景以之地去宮遙遠每月所居因時享祭祀備文物有頗勞在於朕懷殊非所謂今古裁基紫掖閑守彤闈經始肇興成之匪日但敬事天地神明之德乃彰尊祀祖宗嚴恭人志方展若使唯云布政員展臨人則茅宇土階取適而已豈必勞百姓之力制允延而御孔誠以獲執贖繁虔奉宗廟故也時既沿革莫孔相遵自我作古用適於事今以上堂為嚴配之所下室為布政之居光敷礼訓式展誠敬采年正月一日可於

明堂宗祀三聖以配上帝旦令礼官博士内外明礼者詳定儀注務從典要速以奏聞者

垂拱四年十二月

明堂灾告庙制

朕君臨紫極撫育蒼生普該有識之流為啓無彊之福神宮之後式建尊容頃緣内作工徒宿火誤燒麻主遂涉明堂然朕昧且憂勤不遑寢食慮虧至道未副大心内省厥躬伏增寅畏槐棘署象僚庶尹宜竭迺誠各揚其職内作工匠即放还刺史縣令風化之首宜矜恤鰥寡敦勸農桑均平賦役督察姦盜里閭奴訛尤禁遠近寬訟令早决断見禁囚徒速為處分老病之色征鎮之家亦合州縣如意撫存諸作非要切者量事宜停所司供進之物並宜節減其長才廣度沉跡下僚據德依仁韜声幽閑懷佐之器乏知己之容宜令京官職事五品已下及刺史上佐縣縣令等各准狀薦奉仍遣内外文武百官九品已上各上封事極言正議無有所隱

証至元年正月

親祀明堂赦

朕聞惟天惟大所以上序三宗惟帝為尊於是宏開七庙故知肇興

衢室爰申宗祀之規。乃建明堂。式廣嚴禋之禮。莫不八憲四闈。分氣於炎涼。復廟重簷。定尊卑於昭穆。實為國之洪訓。乃經邦之茂典。我國家睿祖神宗。重光累葉。道軼義農之上。功侔造化之初。冠今昔而居尊。掩寰區而作大。朕承撫天運。續聖開元。披鳳曆而乘時。握龍圖而建極。春秋變易。每增霜露之心。日月推移。倍切蒸嘗之思。然而城臨丹鳳。清廟久安。水控玄龜。神基未立。金輿往幸。空展望於遙祠。玉輦來廷。實乖親於碣石。三川帝里。八水皇州。豈皇邑之相誇。而都畿而有謝所以交風。奧壤還開。候曆之庭。揆日名區。更置訓龍之室。嵬紫座無虧。薦賄之途。弁丹宮。遂得獻羔之所。加以總章霧闢。重屋煙披。懸晚日於梅梁。挂晴虹於桂棟。是以用斯圭璧。奠彼牲牢。鳴孤竹之簫管。奏空桑之琴瑟。爰於附享之日。乃至燿宗之晨。景色殊常。煙雲冠古。或凱南至。喜氣而分輝。或聚雨東來。引祥雲而食享。固可以作樂崇德。殷薦上帝。而碧海遙澄。竟三边之霧卷。丹霄上廓。看九野之塵清。祖宗之靈。貺昭然宇宙。之神心。可見虔奉既展。盛禮斯弘。羣作解之恩。以廣奉先之德。但救者小利。而大害始泰。而終否。著小人之奉。非君子之幸。今歲已

來頻敷渥命。徒長僥倖。逾犯憲章。非所以弘獎風。發揮名教。深慮無知者。因茲獲罪。有識者。緣此致說。遐思管仲之徧。紆想吳漢之說。恐負丕構。慨然長想。孔晉明相。蜀王猛佐秦。咸以數赦為言。俱稱津。日非便朕。惟新聞政。方事澄源。期望古而裁規。且修今而布澤。伏以禮申崇祔。情展恭禋。式流曠蕩之恩。兼明懲儆之道。可大赦洛州境內。天下諸州見禁囚徒。應禁死者。特宜免死。配流者。入從餘。並原宥在京文武三品已上。賜爵一級。四品已上。各加一階。內外文武九品已上。賜勳一轉。皇親嗣王。郡王仍特許佩金魚袋。內外職事官三品已上。及四品清官。并中書門下五品父已亡者。並量加追贈。如聞天下諸觀。皆昼化胡之變。諸寺亦昼老君之形。一種尊容。兩俱不可限制。到後十日。並除却有故留者。即科違勅罪。其化胡經。先有明勅禁斷。如聞在外。仍頗流行。自今諸部。化胡經事。及諸凡說化胡事處。並宜除削。在外百姓之家。百兩未行。親俄殞停哀之際。便即成婚。遂輟苴經之容。敢申花苞之禮。寧戚之心。安寄罔極之至。缺如敗俗傷風。莫過於此。自今後宜令懲革。自弘道已前。經任相三年已上。及泰府三日。府僚佐四品已上。并食實封功臣。雖經罪責。不致破家子。

孫無任京官。特宜優與一官。英府周府舊察五品已上官子孫亦宜准此。天下百姓為父後者各賜右爵一級。大酺三日。又制内外文武已上官并縣令京司清官九品已上各舉孝悌廉讓一人。神龍元年九月

社稷

親祀太社詔

建格

厚地載物社主其祭嘉穀養民稷惟元祀烈聖垂範昔王通訓見建邦正位莫此為先爰暨都于邑建于州里率土之濱咸極莊敬所以勸務農本修治報功敷序教義整齊風俗末代澆浮祀典虧替時逢喪亂仁惠施薄壇壝缺昭倫之禮鄉閭無糾合之訓朕握圖受曆菲食卑官奉圭璧於尊嚴潔粢盛而禋燎猶想躬稼勵精治本永言復禮深存德紀是以吉日惟成親祀太社率從百寮以礼九穀今既南畝倣載東作方與州縣置礼宜尽緘肅四方之民咸勤植藝隨其性類命為宗社京邑庶士臺邑群臣里閭相從共尊社法以時供祀各申祈報兼存宴酣之義用給鄉黨之歡且立節文明為典制進退俯仰登降折旋明加誨勵迨相勸獎齊之以礼有耻且格布告天下

宜

即宜遵用

武德元年正月

昇社稷及日月五星為大祀勅

孫逖

勅祭之為典以陳至敬名或不正是相奪倫况社稷孚佑百代蒙其福日月臨照五星叶其紀兆人允填下土式瞻既超言象之外須極尊嚴之礼列為申祀頗紊大猷永言允當必在刊革自今已後社稷日月五星並昇為大祀仍以四時致祭為中祀庶昭報之誠格于上下欽崇之祿合于典則

唐大詔令集卷第七十四

典禮

藉田

正觀三年藉田詔

藉田制

停藉田雕飾農器詔

元和五年罷藉田勅

開元二十三年藉田赦

九宮貴神

親制九宮壇勅

親祭九宮壇大赦天下勅

嶽瀆山川

封華岳為天金王制

冊東海神為廣德王文

命盧從愿等岳瀆勅

令嗣鄭王希言分祭岳教

令嗣許王瓘祭東岳勅

禁驪山樵採勅

雨澤頓降昭報山川勅

令關內諸州長官祭名山大川勅

遣官祭霍山勅

蕭昕分祭名山大川勅制

立終南山祠勅

雜祀

天地宗廟外祭用少牢詔

置壽星壇勅

昇風伯雨師為中祀勅

五人帝祀文及稱朕詔

親拜風伯雨師祝板詔

條貫祀事勅

藉田

正觀三年藉田詔

周宣在位以墜茲祀近代已來彌所多缺朕祇承大宝憲章典故今將履千畝於近郊復三推於舊制且令有司式遵典禮正觀三年正月十八日

藉田制

門下棗盛所以奉神祇耕藉所以助人力既義率乎下而劬在其中是為先農存乎大典故周宣不復於古而魏公致諫漢文能修其制而班史美朕自御極已來動咨故寔唯是千畝未展三推置神因降交移歲庸不在此良以撫然今星既周土膏將動去農祥而不日考帝藉之以時朕其親耕以實御廩宜令礼官博士詳擇典故有司速即施行

停藉田雕飾農器詔

古之聖王臨御天下莫不務敦本宝儉為先盖用勤身率下也屬東耕啓候爰事藉田將欲勸彼蒸人所以執茲耒耜如聞有司所造農器妄加雕飾殊匪典章紺轅縹軌固前王之有制奢尚靡諒為教之所訖靜言思之良用嘆息豈朕法堯舜重茅茨之意耶其所造雕飾者宜停仍

令有司依農用常式即別改造廢方方黎猷知朕意焉

乾元二年正月

罷藉田勅

勅朕以東郊藉田禮之重者爰擇吉亥用祀先書上以供粢盛下以勸稼穡式展三推之義敢辭四体之勤亦既草儀方將肅事再思理本旁采衆詞以江淮水旱之餘河朔師旅之後宜寬物力以濟蒸元况當三農休息之時有百司供具之費道途洒掃暴露勤勞惕然在懷是用中止雖前有成命皆已施行而重煩吾民則無固必其來年正月十八日藉田禮宜由停於戲夫聖人無心以徇百姓朕亦虛已用罔大中苟事未宜則改而求富凡百卿士期悉予懷

元和五年十一月十九日

藉田赦書

門下昔者受命為君体元立極未有不謹於禮而能見教於人朕其廢乎有慙作者方冊存而可奉舊章絕而復尋自古所行無一而廢將以上乞灵於社稷下蒙福于黎元朕茲精誠天寔降鑒今嗣歲初吉農事將起禮有先於耕藉義緣奉於粢盛是所嚴立敢不躬事故躬載耒耜親率公卿以先百姓逆終千畝謂敦本之為尔何布澤之更深宜有順於

發生俾無偏於行惠可大赦天下自開元二十三年正月十八日昧爽已前大辟罪以下罪無輕重已發竟未發竟已結正未結正囚繫見徒咸赦除之其犯十惡死罪不在赦限自餘死罪特宜配流嶺南遠惡官至流者亦量貶與遠官典配諸軍効力計贓至徒仍不得重令却上天下諸州損免地稅光矜放其非損免處有貧乏未納者並一切放免代糧種子開元二十年已前並宜放免京兆河南府秦州百姓有諸色勾徵及通懸欠負亦宜放免其在官典及倉督等腹內者不在免限天下色役典爰及支用務令節減并諸色貢賦先令中書門下均融減省宜准前勅速即條奏損免州稅戶錢米紬并七等已上戶祖先未處分五色資錢課未納灼然不辨者並放至蠶交秋收已來贖納損免州逃兵健見承前訪捉不獲合取藉田充替自資送軍挂期逼迫頗亦辛苦並放蠶交已後登遣仍令所司預與軍州計會諸州征行人並令州縣存恤其文行人有父母年七十已上者委本道採放便檢責取實牒報本軍即放还本貫軍司據闕募取健見充替行人及丁防有身亡者為造棺襯还本鄉諸州應防下去本貫一千里已上此來除正課之外給一丁充資多不

齊辨宜更量與資助兩京城內今年所有雜諸夫役並宜放免應須使役以諸錢和雇取充農桑是時不得妨奪州縣官長位家勸課孝子順孫義天節婦旌表門閭鰥寡惻獨不能自存量加優恤天下侍老百歲已上版授上州刺史九十以上中州刺史八十以上上州司馬其七十已上所由仍量給酒肉各令存問並獻皇太子鴻賜物二千疋終獻慶王潭賜物一千疋邠王守禮等各賜物一千疋中心王浚已下各賜賜三百疋夾侍正衣進珪汝陽郡王淳等各賜物二百疋皇太子夾侍正衣等各賜一百疋裴輝卿等自其翊贊誠有忠益頒賞以序等數須優宜各與一子官仍各賜物三百疋二王後各賜物一百疋長公主各與一子官仍各賜物二百疋嗣王即王縣王各賜物一百五十疋京文武官見任及致任并諸色倍位官一品賜物八十疋二品七十疋三品六十疋四品五十疋五品四十疋六品三十疋八品九品二十疋節度副大使三都留守京兆尹各一百疋四大都督府長史諸道採訪使各八十疋諸賜物應兩給者從一處給其耕官及侍耕官各賜勳兩轉丞相蕭嵩與一子官仍賜物二百疋攝九鄉諸使等各與一子出身仍賜物一百五十疋侍耕執牛官各賜物一百二十疋昇壇行事官修禮儀官及判官等更賜一階應入三品五品官階相當減四考聽人懾司徒信安郡王律禮儀韋縮旣不叙階律與一子官賜物二百疋縮與一子出身賜物一百五十疋其昇壇及兼禮儀兩兼從一加階應與一子官及出身者若無子聽迴與周親供奉及押階不下昇壇并壇下及助耕執牛官別勳差中書門下差定人數等泛階合入三品五品階至考未足者待考足日聽非待考者賜勳兩轉米承別賜者各賜一等知頓使賜物一百疋修壇場長官屯官撰玉冊官各賜物八十疋書王岡官賜物五十疋管藉田縣合賜物六十疋京文武官朝集使官充十道採訪使并判官諸道節度使及諸道通表使判官新除五品已上官米赴任都城畿縣令見任倍位者三品已上轉爵一級四品已下加一階皇親諸親及九廟子孫不入等倍位者并外文武官九品已上各賜勳諸蕃入廟入賀正蕃客應陪位者共賜五十疋節級付分南北衙門行從宿衛齋官官及武官押當有職掌并諸色諸色雜職掌并耕公卿從官等各賜勳一轉萬騎及飛騎見當上者各賜一轉其宿衛齋官者加賜物三段仗內待訪諸色從人各賜物三

段曠騎當兵角弓手弩手官馬主見當番及留帖人掌開幕士駕
士供膳習馭工人樂人見當有上殿掌并庶人應耕者各賜物三段齋
即礼生贊者行事者並減兩年勞無勞可減者齋即放出身礼生贊
者選日稍優與分三衛七色見當番并流外行署及番官見上有殿掌
者各賜一轉淮南洛陽縣倍位父老各賜物五段近壇百姓各免今雜
差科宗庙致事務存豐潔礼經沿革必本人情筮豆之薦或未未能
備物服制之紀或有未通宜令礼官季士詳議具奏朕自臨天下
二紀于茲不敢荒寧日加兢業而灾眚未弭黎人未康若有由而然
則在予之責有能直言極諫者且以扶聞每渴賢良無忘鑒寐頃雖
虛佇未副旁求其才有王霸之畧季究天人之際知勇堪將帥之選
政能當牧宰之奉者五品已上清官及將軍都督刺史各奉孝悌力
田鄉閭推挹者本州長官勘責有才堪應務者各以名奏政事人歷
清資終始著稱年漸衰迈情有可矜量與改職依前致仕宗子
中有才行著聞此尚沉屈者委宗正勘責奏聞唐元兩管立功官
任折衝並改與中即其亡失官爵量加收叙丘岳四瀆名山大川及日
古聖帝明王忠臣良相並宜所在長官以礼致祭赦書有所未該者
所司地類聞奏亡命山澤挾藏軍器百日不首復罪如初敢以赦前
事相告言者以其罪罪之都城内賜酺三日赦書日行五百里布告
遐迩咸使聞知

九宮貴神

親祭九宮壇勅

勅惟神之主必恭禋祀率先之訓義在躬親朕欽若異穹子育黎
庶思通明灵之德以洽和平之理是修缺典咸秩無文如在之誠久陳
於郊庙懷柔之至亦禍於山川况九宮所生百神之貴上分天極下統
坤維陰陽主灵功深亭育故式昭新典肇明祠將以為人載祈孚
祐宜叶元良之告用申大祭之礼可以立春日朕親祭九宮壇仍令
中書門下與礼官等即詳定儀注奏聞

天寶三年
十二月

親祭九宮壇大赦天下制

孫逖

門下九宮之祀百代莫修豈日繕不之暇將灵之有待朕當宸君臨握
圓纘業每聽政中吳疇之謹言觀書乙衣以來故寔勵精為理三紀子

茲上荷宗廟延祥克開厥後下賴股肱叶德以致雍熙而麟鳳龜龍
近遊郊藪蠻夷戎狄遠輸琛書乘時來之休運恢皇之遠圖
是以圓丘方澤之儀昇中告類之禮無典不舉靡神不懷恭惟九
宮明祀尚缺載深兢惕用建靈壇爰以元辰親執奠獻叶青春發生
之慶祈默啓祐之福今至誠式展大礼云備瑞景和風神心如荅則疆
之社豈獨在予非常之澤宜潭率土可大赦天下自天寶三年十二
月二十五日昧爽已前大辟罪無輕重咸赦除之其十惡死罪造偽頭法務
後於寬簡任事必量於齒力比者成童之歲即掛輕徭既冠之年便當
正役憫其勞苦用軫予懷自今已後天下姓宜以十八已上為中男二十三
以上成丁又任土作貢先標程式或非所有不免貿遷事既非宜理難經
久并應徵課稅及支遣諸色物或期程之間違違非便並委所司
與朝集使高議取穩便處置奏聞

實錄載文云每載庸條八月徵收農功未畢恐難濟辦自今已後延至九月二十日為限而却

死任土而下至此諸軍行人遠為邊扞修短之分雖有定期後後而終
良深軫念其有陣亡歿骸骨未還本貫令節度使給棺櫬遞歸又
防邊禦寇實謂難勞貧戶單丁固茲存養更令差遣去住唯堪

自今以後應差行人家無兼丁不在取限自古聖人皆以孝理五
帝之本百行莫先移於國而則忠長於長而為順永言安道實
在人弘自今已後令天下家藏孝經一本精勤誦習鄉孝之中倍
增教授郡縣官吏明申勸課百姓問有孝行過人鄉閭欽伏者所由
長官具見以名薦其有父母見在別籍異居虧敗名教莫斯為甚
特宜禁絕勿使更然并親歿之後亦不得令有分折郡縣切勒令在惟
待自今已後如有不友不恭傷財破產者宜配磧西用清風教朕惟熙
庶績博放逸人豈惟振振滯淹以期於大用亦欲褒崇高上將敦於
薄倍虛佇之懷兼在於此其有高道不仕道迹丘園遠近知聞未經
薦奉者委所在長官以禮堪送又崇德追遠式閭封墓用旌前烈以叶
大猷自古聖帝明至名臣烈士陵墓有頽毀者宜令所管量事修葺仍明
立標記禁止樵採天下侍老百歲已上賜帛五段粟三千八十已上三段粟二
石仍令郡縣長官存問給付並獻太子諱宜物二千疋終獻慶王侗一千疋
正衣夾侍各五百疋親王各三百疋新封建郡王及國公各一百疋賢妃三百疋
長公主各三百疋公主各二百疋嗣郡王各一百疋中書門下三品竭心翊載

弘益實多各與一子官如已授官量與一人轉內外文武官三品已上賜爵一級四品已下各加一階一品賜物七十疋三品已下六十疋五品已上賜物四十六品已下二十段諸節度使各賜物一百疋三京留守及二王後各十疋採訪使各六十疋諸蕃客共賜二千疋其唐元功臣締構之物竭其忠款錄功念旧情所不忘普恩之外更加一階其身歿者各賜一官皇親五等已上及九廟子孫諸親三等已上未有出身者並放出身其前資者選日稍優與處分見任者更賜勳而轉應天下賜酬三日赦書有所未該者所司類例聞奏宣布中外咸使聞知主者施行

嶽瀆山川

封華岳神為金王天制

蘇頌

門下惟岳有五太華其表峻皇居合靈輿運朕恭惟膺太寶肇業神京至誠所祈神契潛感頃者亂常悖道有甲兵而竊發杖順誅逆猶風雨之從助永言幽讚寧忘仰止厥功茂美報德斯存宜封華岳神為金天王仍令景龍觀道士鴻臚卿負外置越國公葉法善備祀告祭主者施行

先天二年八月二十日

冊東海神為廣德王文

維天寶十載歲辛次郊三月甲辛朔十七日庚子皇帝若曰於戲四瀛定日百谷稱王望祀之禮雖申崇名之典猶缺惟東海浴日浮天納來徃弘善利万物以宗以都朕嗣守眷圖式存精享神心允穆每叶休徵今五運惟新百靈咸秩思崇封建以展虔誠是用封神為廣德王其光膺典冊保乂寰宇永清坤載敷佑邦家可不美欵惟南海蕩滌炎州包括溟漲涵育庶類以成厥德惟西海記濫疏名清晏表德成茲潤澤奠彼金方惟北海限蠻阻夷實資攷德含竒蘊粹實曰天地其地如東海

命盧從愿等祭岳瀆勅

勅五岳視三公之位四瀆當諸侯之秩載于祀典抑惟國章方屬農功頗增旱暵虔誠徒積神道未孚用申靡愛之勤冀通能潤之感宜令工部尚書盧從愿祭東岳河南尹張敬忠祭中岳御史中丞兼戶部侍郎宇文融祭西岳及西海河瀆太常少卿張九齡祭南岳及南海黃門侍郎李暉祭北岳石炭子何鸞祭東岳宗正卿鄭綏祭淮瀆少詹事

張晤祭江瀆河南少尹李暈祭北海及祭瀆且潤万物者莫先乎兩
勲万物者莫疾乎風騰彼灵神稱師伯雖有常祀今更陳祈宜令
光祿卿蓋温祭風伯右庶子吳兢祭雨師各就壇場務加誠敬但
羞蘋藻不假牲牢應緣奠祭九宜精潔

開元十四年正月

令嗣鄭王希言分祭五嶽勅

孫逖

勅歲之豐儉故係於常數天之感應實在於精誠頃者按以陰陽求
諸推步至於今歲不合有年朕乃齊心妙聞懇祈玄德灵徵不遠至應
用彰果獲西域頗為善熟蓋至道儲祉惠于蒸人亦群臣叶贊錫以
昭瑕宜令光祿卿嗣鄭王希言祭東岳太子詹事嗣許王權祭北岳
常卿韋縉祭西岳衛尉卿嗣吳王祗祭南岳宗正卿濮陽郡王徹祭
北岳所司即擇日錄奏其四瀆及名山大川或遠近不同各委所由郡長
官便擇吉日致祭務崇潔以稱朕懷

令嗣許王權祭東嶽勅

勅務農勸穡雖用於天道人和歲稔實賴於神休頃者春夏之交稍
愆時雨收穫之際復屬秋霖慮害農功每祈孚祐遂得百神降德
群望效灵既不為灾仍多 熟凶贊之道普洽於生人昭報之儀式
遵於典礼宜令太子詹事嗣許王權祭東岳所司郡長官備礼致祭
移陳蠲潔以達精誠

禁驪山樵採詔

勅驪山特秀峯 岳俯臨郊甸上分良位每曳雲而作雨下出蒙泉亦
蕩邪而蠲瘵乃灵仙之攸宅惟邦國之所瞻可以列于群望紀存成秩
自今已後宜禁樵採量為封幟稱朕意焉

開元四年正月十九日

雨澤頗降昭報山川勅

爰自首春有愆時雨朕憂勤祀獻精禱灵祇遂蒙九玄垂福百神効
祉膏澤頻降嘉生繁育睠彼山川能興雲雨報功享德祀典存焉諸
州府所管名山大川宜令當處長官設祭務尽誠敬以昭典礼

開元十四年六月

令關内諸侯州長官名山大川勅

孫逖

勅朕為人土未嘗自迄每勤子政思改豐年而去冬已來雨雪微少
恐恐春事有害農功是用齋心躬自申禱神歆允答甘澤遂流豈

朕之微誠敢當不應蓋天之鑒惠及生人詩不云乎無德不報昭賽之義豈可缺如其閔内名山大川及有灵祠宜令所由長官擇日致賽務令豐厚冬尽誠潔以副朕懷

遣官祭霍山勅

三代之初皆有神降鑒其德也天寶啓之恭惟王業之初師及霍邑堅城禾下大將阻兵連雨經旬糧儲不給白衣父老忽詣軍門稱霍山之謁大唐皇帝云東南取路八月雨止助帝破敵尽如其言岩霍山九州之鎮與雲致雨功已洽於生人親道輔德力更宣於王室朕續承大宝膺受洪休眎蠻之間誠明可接永言幽贊茲謂有孚謂天命神據我斯意一宜令礼仪使判官司封員外郎薛頴即任霍山致祭正詞以祭朕稱意焉

廣德元年

蕭昕等分祭名山大川制

常衮

勅有天下者祭百神蓋存乎統法也山川出雲而致風雨列在明祀其來久矣春秋傳曰水旱癘疫之不時於是乎崇之致其誠信与其忠勤精意以享可神明保佑命之不疾速古之岳瀆秩視公侯以其所生者繁所濟也廣鎮厚地而不動朝滄海而不洩如是正真長祭其祥百王相承五等不易先朝礼神以明德恭事以嚴禋進其位號崇其典策用三代之樂金石必備尽九州之味筮豆有加俾國之大臣每歲頒祀則執事而有恪亦莫不寧也朕纂戎八載外寇未平多廢舊章尚勞戎俗巡狩之事有曠於虞書封禪之儀尚慙於漢史雖命方征收長以時致祭而事之不親誠有不達所以分遣八使禱于群望各供於事以服官常宜令某官等分祭名山大川仍勅有司條其礼物劄陳明薦無失正辭

終南山祠勅

每聞京師舊說以為終南山與雲即必有雨若當晴霄維雲他至竟不沾濡况兹山北面缺庭日當息頤修其望祀寵數宜及今聞都無祠宇炭谷湫在命祀終南山未備礼秩湫為山屬捨大崇細深所謂闕於與雲致雨之祀宜令中書門下且差官設奠宣告恩礼便令擇立庙所迴日以間然命有司即時建立

開成元年

雜祀

天地宗廟外祭用少牢詔

國家草創日不暇給凡厥礼仪鱗能尽備且生人未久凋弊寔多至於

畜產思致蕃息祭祀之本皆以為身窮極事神有乖正直殺牛不如
初祭明德即是馨香望古推今祭神一揆其祭員丘方澤宗廟以外
並可止用少牢先用少牢宜用特牲時和年豐然後尅循常禮武德元年十月

置壽星壇勅

德英大於生成福莫先於壽考苟有所主得無祝之今有上封者言仲
秋日月會於壽星以為朕生於是月欲以配社而祭於義不倫且壽星角
亢也既為列宿之長復有福壽之名豈唯朕躬獨享其應其天下百姓
寧不是懷蓋秦時已有壽星祠亦云舊美宜令所司特置壽星壇恒
以千秋節日修其祀典開元二十四年十月

昇風伯雨師為申祀勅

孫逸

勅六氣不德所以成歲百姓神感秩必也正名况風伯雨師渚時宵物藩
茲動植溥暢生靈厥有茂功當崇於昭報謂之小祀頗繁於藝倫去
載諸星以為申祀永言比義固合同昇自今已後其風伯雨師並宜昇人
中化仍令諸郡各置一壇因春秋祭祀之時同申享祀用刊前典之謬
以致蒼生之福

五人帝祝文勿稱朕詔

郊祀之義本於至誠制禮定名宜從事實五方配帝上古哲王道濟烝
人祀著明祀論善計功則朕德不類統天御極則朕位攸同而祝文稱朕以
祭既無益誠敬有躋等威此豈朕禮祀聰明昭格上下之意前京兆府司
錄事參軍高佩上疏其理精詳朕重變舊儀訪于卿士申明大義是用
釋然宜從改正以敦至禮自今已後五方配帝祝文勿稱朕餘禮如旧

親拜風伯雨師祝版勅

風伯雨師等升為中祀有烈祖成命况在風雨切蒼生今雖无文朕当
屈已再拜以甲子育万姓之意正元年

條貫祀事詔

王者受天地之明命續祖宗之鴻業所以祇服大事致誠嚴禋尽其
孝敬之心崇其郊祀之禮必在匪懈不忒案盛豐潔古今丕訓無易於
此朕嗣位十載恭惟万邦務三時以厚生睦九族以修教每勵薄德况兹小
康中宵内惧愧不克称寔天地之睠祐宗祐之威灵思款罄其精誠奉以昭報
豈聿懷之敢望寔如在而齊心如聞近歲有司因循將事不恪牲牲无條具

之別嘉之容昇俎雖陳薦多缺祠官或怠於齋肅胥吏有至於喧呶戲禮瀆神莫斯為甚永言重事用側深衷起今已浚太廟郊社齋即先事前一日委監察御史子細点檢如有替代非正身者當時禁身推問聞奏當重料懲既貴躬親須議優獎其齊郎委中書門下商量與咸選應緣祠祭官下至齋郎及樂人吏等致齋日有博奕飲酒喧呼爭競者委御史臺糾察聞奏其牲宰准禮循行之際合視肥瘠之宜近日相承臨時取辦既華誠劾頗笑舊章委太僕寺唯禮令處分如无本色牛羊連具聞奏至於酒醴醢醢簋簋膳羞各委本司准禮令切加提奉凡有廟儒所宜肅敬縱云陳地豈廢修崇如有耕墾藝植者亦仰御史臺糾察聞奏攝祭公卿雖為官品將朕誠敬必在得人委尚書省差定之時稍知慎選其祭器礼物中如有欠缺及濫惡須慎補改張者委太常宗正光祿太僕寺少府監諸司速具條疏聞奏仍委中書門下即與踈理處分戲於禮崇明祀神享至誠上下苟无其為必異於備物由是怵惕興齋莊致祠咨尔

唐大詔令集卷第七十四

唐大詔令集卷第七十五

典禮

太清宮

太清宮行宮官改用朝服并停祝版勅

太清宮行事改為獻薦制

宗廟

令所司與禮官儀宗廟制

令公卿議太原建寢廟詔

增置太廟九室詔

常薦

宗廟薦享別奠樽爵詔

太廟五享令宗子攝事詔

令兩京各日享廟詔

享太廟料外別置牙盤食詔

禘祫不廢常享詔

桃迂

迂獻懿二祖詔

親享

令皇親帝謂太庙誥

明皇即位謂太庙赦

親謂太庙錫賜宗支庶官制

太清宫

太清宫行礼改用朝服并停祝版勅

勅尊祖奉先必在于崇劬辨儀正礼所貴於緣情伏以大聖玄元皇帝御氣昇天長生久視休重玄而不測與元化而無窮真容屢見寶符仍集恭惟玄祐寔表常存比者太清宫行事官皆具冕服爰及奏樂未易舊名并告獻之時仍陳笑祝既非事生之礼皆是降神之儀但真俗殊倫幽明異數理有非便亦在從宜自今已後每於太清等宮行礼官宜改用朝服兼停祝版其告獻辨及所奏樂章朕當別自修撰仍令所司具儀注聞奏

太清宫改為朝獻薦獻制

春秋致享用存昭劬祝史陳信必在正辭苟名謂之或垂於上下而非便經稱崇事易載顯若所以展祇肅明等威朕欽崇道本嗣守丕業每懷如在之誠敢忘奉先之旨礼或未達情寔匪寧承前有事宗庙皆稱告享茲乃臨下之辭頗虧尊上之義靜言斯稱殊未為允自今已後每親告獻太清宫太微宮改為朝獻有司行事為薦獻親告享宗庙為朝享有子行事為薦享親述陵為朝拜有司行事為陵拜應緣諸事告宗庙者改為奏其郊天后土及祝云敢昭告者並為敢昭薦乎式崇轉礼庶表因心宣示中外令朕意天寶九年十一月

宗庙

庙制

令所司與礼官議宗庙制。

朕以不造哀悼在疚日月如流星靈浸遠霜露所感觸目殞絕宗庙之制有国大典皇運之始且事因循今山陵有日迂附非遠宜允舊章永世作則可令所司與礼官等詳議奏聞

正觀九年九月

令公卿議太原建寢廟詔

昔周監二代崇文武之典禮漢紹三王尊高光之功烈斯固有國之彝訓不刊之令範高祖太武皇帝聰明神武睿聖^應狗齊天順民撥亂反正德侔造化道濟區夏靖率土之沸騰極黔首之塗炭一戎大定四海宅心制治定之禮作功成之樂天地交泰品物咸亨聲教遐洎休徵雜沓蠻夷戎狄之長輻臻藁街麟鳳龜龍之祥光映圖史然猶日慎一日推而弗居邁遂古之鴻名踰前王之至治朕以寡昧丕承景業緬惟永往攀慕終天思弘尊親之道庶^志展極之^志惟太原之地肇基王迹事均豐沛^成義宛譙理宜別建寢廟以彰聖德詳觀漢典抑有規但先皇遺旨務在儉約虔奉訓誡允忘茲處宜令禮官與公卿等詳議以聞

貞觀九年十二月

增置太廟九室廟

朕聞王者乘時以設教因事以制禮訟革以從宜為本取舍以遵會為損益之道有殊質文之州甚異且夫至德之謂孝所以通于神明大祀之謂祀所以虔于宗廟固家握紀命歷重光累盛四方曲其繼明七代可以現德朕嗣守丕業祗奉眷圖聿懷昭事因不卹祀嘗覽古典爰詢廟制則殷周事異

近則漢晉道殊雖禮文之不一固敬嚴之元二朕以為立爰自親始教人睦立躬自親始教人是知政以道存禮從時變將因宜以創制豈法古而限今况恩澤殺而疎廟以迂毀而廢雖式瞻古訓禮則不違而水言孝思情所未足享嘗則止豈爰崇而禮備有禱而祭非德盛而流永其祧室列為正室將使親而不盡遠而不祧廟以兒在宗由尊立俾四時式薦不聞於毀主百代靡迂匪惟於始廟所謂變以合禮勲而得中嚴之典克崇肅雍之美茲在又兄弟繼及古有明文令中宗神至猶居則處詳求故實當宁不安移就正廟用彰大典仍創置大室宜令所司擇日啓告移吉

開元十一年六月

常薦

宗廟薦享別奠樽爵詔

朕以寡德嗣守宗祧雖明發懷載肅恭禋祀踐霜露而具感奉洗以增哀每惟宗廟至敬虔誠裸享而一尊情有未安思革舊章用崇嚴配管子曰禮者因人之情緣理而為之節也故三王五帝禮制不同損益隨時於通變况罔極之思既展於茲辰終身之慕情深於

是日豈可以因循禮經乖違誠敬自今已後宗廟享爵及簋簠登鉶各宜別奠其餘牢饌並依常典乾封九年六月

太廟五享令宗子攝事詔

宗廟致敬必先於如在神人所依無取於非簇深惟至理用切因心某應緣太廟五享於宗子及嗣王中揀擇有德望者令攝三公行事異姓官更不須令攝開元二十七年二月

令兩京各享廟詔

朕肅承宗祀不敢追違誠有未安夙夜祇惕頃四時有事太廟兩京同甘告享雖虔卜吉辰但遵上日而義深如在祀或有乖自今已後宜各別擇吉日告享天寶三年四月

享太廟料外置盤食詔

勅祭神如在傳諸古訓以多為貴著自禮經臠膾之儀足昔賢之尚質付旨之品亦孝之盡誠既切因心方資方禮其自今已後享太廟宜料外每室加常式一牙盤仍令所司務盡豐潔天寶五年月十六日

禘祫不廢常享詔

禘祫之禮以存序位質文之變蓋取隨時國家系本先宗業承聖祚重熙累盛既錫无疆之休合享登神息弘不易之典自今已後每神並於太清宮聖祖前設位序正上以明陟之禮飲若玄宮下以盡虔茶之誠无違正前道比來每緣禘祫時享則停事雖違於從而禮或虧於必備已後每緣禘祫其常享无廢又奉先追遠禮或昭崇福展敬義在因心自今已後獻祖廟宣皇帝莊皇帝懿先祖光皇帝光懿皇后忌日宜令京城寺觀一日設齋太祖景皇帝景烈皇后代祖元皇帝元貞皇后忌日京城三日行道

祧遷

遷獻懿二祖詔

國之大事式在於明禮王孝者享莫重於殷祭所以尊祖而正穆也朕承列聖之休德荷上天之眷命虔奉牲帛二十有五年永惟宗廟之位稀常之序夙夜祇慄不敢自專是用延訪公卿稽參典禮博考群議至于再三勤以今辰奉送祖皇帝神主懿祖皇帝神主祔于德明與聖皇帝廟太祖景皇帝正東向之位宜所司備禮務極嚴重祇肅祀典載深

感暢咨尔中外宜悉朕懷正元九年

親享

令皇帝謂令廟誥

誥昔重華嗣德格于文祖高密陟后至于神宗盖所以敬復端之元申孝享之道皇帝初嗣太室允膺休命歡洽人灵慶溢宗社宜恭社祀典用展肅邕可以今月四日謂享太廟所司准此先天元年十月

明皇即位謂太廟赦

門下繼明嗣德王者所以承天尊祖奉先聖人所以崇孝故上日之礼著乎重華月朔之祠襲乎交命猗欤作頌發流濟之哲祥清庙昇歌思表配天之業歷選前載可得而言我國家首出開元繼文膺統七代現德至道洽於生人三后在天世裕光於後嗣太^上皇帝^上越繫表功軼帝先名言不測於乾行仁智不知於日用累讓神器非以黃屋為尊俯膺太室盖以蒼生屈志黎人於變淳化期登載懷脫屣疇咨菲薄竭讓德之至天睠弗^回陳拜首之誠申襟逾邈遂以寡昧祇踐宸居循顧紹庭載深寅夜爰撰初吉^躬展肅雍虔肆獻之儀申大号之典神保之享斯洽介福之道攸宜德兆同歡人祇同慶恭承聖訓申茲沛澤可大赦天下

親謂太廟錫賜宗支庶官制

朕聞理莫大於孝惟所以通神明事莫於大祀所以謂宗廟顧此薄德獲承丕緒恭虔夙夜弗敢違寧去歲爰命有司增營太室尋以匠者功就饗礼舉雖是効是則率由舊章而不躬不親曷尽誠敬粵自河洛旋于京師聿修齋致祭用蠲潔屬群方駿奔庶位咸旅裸奠式受感懷載殷圣灵在天君享精意伊尔王公卿士下建黎蒸道存念兹惠乃錫類七庙元皇帝已上三祖祫孫恐有失官序者宜各與五品京官皇祖妣諸家有子孫今在選叙者量加甄標擇内外官三品已上有庙者各賜絹三十疋以修祭服俎豆緣謂庙亞獻邠王守礼終獻宋用憲各賜三百疋夾侍政王範薛王業各賜絹二百五十疋自餘行礼及供奉三品已上賜一百六十疋四品一百六十疋五品一百二十疋六品一百疋七品八十疋八品六十疋九品四十疋鹵簿六引官各減一等神仗官又減一等攝官依本官給有兼充諸使者加等兩京文武官并朝集使諸方通表一品七十疋

三品六十疋四品五十段六品七品四十段九品三十段從者加一等皇親諸親准品等禮儀置頓營幕使各賜物一百段副使八十段判官及修定儀注官各減三分之上行所州縣刺令上佐縣令等各准行從官與賜其給賜八應兩處已上者從一多給唯有廟官之賜聽兼給謂廟有所修造專當官及當頓官始末不絕者各賜一半上考知頓州各免一年租及地稅傍州緣頓供承者亦准此行事齋即及權補充者各賜物十段升階者各賜物十五段三衛飛騎不騎并仗內無品人等賜五段十月正蕃衛士等各賜玉段緣道路及置營幕捐百姓交苗者宜令州縣檢量優還價直餘應得而制書缺載者所司類例以聞開元六年十二月

親享九廟制

崇建宗廟禮之大者聿追孝享德莫至焉今宗以立尊親無迂序永惟嚴配致用蠲潔棟宇式崇裸奠斯授顧茲薄德獲承禋祀不躬不親昌展誠敬宜用八月十九日祇見九室開元十一年五月

唐大詔令集第七十五

唐大詔令集第七十六

典禮

省侍

元和元年正月輟朝侍膳勅

元和十一年皇太后寢疾權不聽勅

大中元年積慶皇后寢疾權不聽政勅

大中二年太皇太后寢疾權不聽政勅

咸通六年太皇太后寢疾權不聽政勅

服紀

代宗行再暮服詔

義安太后服制服

陵寢上

營下

九峻山下陵詔

克奉

厚奉建陵詔

太行太后山陵修奉事勅

扈從靈

太祖允百官表親不親至山陵詔

隨靈駕赴陵所詔

親至華陵勅

答百僚不赴華陵勅

省侍

元和元年輟朝侍膳勅

勅聞朕為子之道莫大於寧親順色之方必先於養志此文王之孝曾氏之心每聆遺風常所景行伏以太上皇帝怡神間館追想大庭將以保靜延休滌慮寧體初陽變候舊恙愆和寢食之間有不安節夙夜憂灼豈遑寧居而內奉庭闈莫永安不嘗藥視膳且不暇於衣冠一日方機固有虧於聽覽庶政闕決遂闕躬親恐中外具察未悉予志起今月十八日已後權下聽政故茲宣示當體

朕懷 正月

元和十一年

皇太后寢疾權不聽政勅

朕聞事親之禮問安雖限於晨昏為子之心就養在勤於左右斯實虔帝明訓周王迹風朕率而行之不敢有墜伏以皇太后男臨万国子惠兆人存神係和養素全道屬韶陽改候濡露感恩舊恙有加常膳頓減夙夜惶惕不知所寧今當專奉庭闈躬嘗藥餌脫冠解帶且無暇於寢興員辰臨安軒能親於聽斷起今月三日已後權不聽政故茲宣尔宜休朕懷 三月

大中元年積慶皇后寢疾權不聽政勅

門下朕聞恭孝之人倫省文經者奉之儀臣節攸重况發自誠稽諸典謨庶叶禮文式遵前憲伏以積慶殿皇太后坤元降秀稽諸典謨道冠母臨訓彰壺職屬時當濡露感切於孝思氣爽保和恙生於寒著自春歷夏有加無瘳焦憂匪遑旦夕增灼豈尚安於聽斷且欲專於候問恐中外具察未諒予意起今月十四日已後權不聽政故茲宣尔宜休朕懷 四月

大中二年太皇太后寢疾權不聽政勅

勅朕聞發乎因心服動於遺体周典著問安之範載經存就養之文垂為格言式示達禮惟朕小子敢廢前修伏以太皇太后母臨六宮子育群品清淨養性恬和保神屬時暑小侵違裕不問寢膳未復優灼靡寧日欲親於藥餌情豈安於聽斷覽凡有事務且委司存恐中外具察未悉予意起今日二十日已後權不聽政故茲宣尔宜体朕懷育

咸通六年太皇太后寢疾權不聽政勅

門下朕聞孝養子道發於因心誠敬之文著在前典平居以問安自慰寢疾則省侍宜專太皇太后王衣兆祥理齊啓至安儀天下德被寰中春秋既高飲酒微減朕親自迎奉移居永安期宿蓋就平勿藥有喜而精誠未感良醫無微情方切於焦憂政豈遑於聽斷頃躬問以冀平和恐中外具察未諒予意起今日二十日已後權不聽政故茲宣示宜体朕懷

紀服

代宗行再暮服詔

三年之喪天下達禮苟或变革何以教之朕遵此憫凶攀號罔極公卿固請俾聽朝暮斬烏纓經痛費之心灵豈可更議公除便移諒聞昨見所司儀注以今日十三日大祥十五日從吉仰憑遺旨又欲抑子切惟哀荒深謂未可其百寮並宜以此日釋服朕將經武丁之道成素冠之詩恭守再周不忍權奪凡厥在位宜悉哀懷

群臣三表請公除從

義安太后服制勅

皇帝為義安皇太后制服重輕事

權知禮部侍郎陳高等狀伏觀義安太皇后遺皇帝三日而聽政十三日月祥二十五日大祥二十七日釋服者皇帝遵奉遺旨將欲施行臣等商量事貴得中禮從順變伏以宣懿太后常奉太皇太后之令追尊徽名附配廟室今去議禮合有等哀伏請皇帝降服暮周行以日易目之制十三日釋服其內外臣寮便以其日除釋至於所奉陵寢制度法物事已上即請准舊例無更降授謹具如前公卿等議大行皇太后喪禮狀

中書門下奏今日十一日大行皇太后遺令十三日小祥二十五日大祥二十七日除服者伏見陛下以因心之孝弘博愛之仁輟視万幾形于四海非臣等愚淺敢窺至德然酌於群議恐未得中伏思殷周之禮年代古遠史傳所記簡而未詳自兩漢已降文籍大備未備有口弟相友三葉重光如至朝之比所以母后之制罕聞故事之禮經之訓時為大體次之順次之稱次之宜况臣等奉太皇太后令已命宣懿太后升祔祔宮昭配之禮既令存典尊親之義必在正名皇帝服宜有所降期年之制群臣隨君而服亦從降禮其山陵制度及禮儀法物並如太皇后故事一無所降雖屈已申情陛下動循於禮法而酌宜定制群臣難抑於義心伏希聖明必賜察納謹具如前

勅旨朕恭承遺令既遵易月之文而公卿庶寮願舉酌中之典微引古義發揮舊章閱茲敷陳良用酸惻朕嗣續鴻業豈自私勉副羣情悟深感切所降服及山陵制度並依

會昌五年正月十五日

陵寢上

營

九峻山下陵詔

夫年者天地之大德壽者脩短之常數期生有七尺之形壽以百齡為限含靈稟氣莫不同焉皆得之於自然不可以分企也雖復迴天轉日之力尽妙穷神之智生必有終皆不能免是以禮記云即位而為柩莊周云勞我以形息我以死聖人之至鑒通賢之深識著之典誥貽之話言顯說正詞曾無隱諱末代以來明辟蓋寡靡不矜黃屋之尊慮白駒之過並多拘忌希慕遐謂雲車易乘曦輪可駐軌同趨其弊甚矣有隋之季海內橫流豺狼肆暴吞噬黔首邑里凋殘鞠為丘墟朕投袂發憤情深拯溺扶翼義師濟塗炭賴蒼昊降鑒股肱宣力提劍指麾天下大定氛祲清殄區宇平一及澆弊於淳樸致王道於中和此朕之宿志於斯已畢猶恐身後之日子子孫孫尚習流俗猶循常禮加四重之襯代百祀之木勞擾百姓崇厚墳陵今預為此制務從儉約於九峻之山足容一棺而已積以歲月漸以備之木馬塗車土稱葦籥事合古典不為世用又佐命功臣義深舟楫或定謀帷幄或身摧行陣同濟艱危克成鴻業追念在昔何日忘之使逝者無知咸歸寂寞若營魂有識還如疇曩居止相望不亦善

乎漢^氏使將相陪陵又給以東園祕器篤義終之義思意深厚古人之志豈異我哉自今已後功臣密戚及德業尤著如有薨亡宜賜塋地一^給所及^及以祕器使窀穸時喪事無闕所司依此營備稱朕意焉

正現十一月二日

充奉

厚奉建陵詔

人子之道存乎色養穹蒼不待鉅創誠深朕觸目哀荒攀號无許終天永訣先遠有期款報之心不任罔極務崇兆宅庶竭哀懷應緣山陵監護鹵簿等事宜令有司備其厚礼下得節減盡庫之所有成迂厝之大儀公卿百僚宜悉朕意

大行太后山陵奉事勅

盖聞天地之德常存煦育之仁皇天大孝克念述遵之儀朕纂承不順每務躬行而豐禍延再罹荒疾大行太后慈順永遠仙馭莫追遺旨丁寧俾親庶政祇奉號咷不知所措緬懷風樹之感俯追龜筮之期以復土方興役車未已慮失農桑之候或貽凍餒之憂惻然憫傷思獲均濟緣上陵所要車牛夫役等除官中自有外並須和雇

仍先折奉戶夏稅錢訖度支以不折估足段充填如奉戶所折稅錢已尽即所司給付無令損折仍委山陵使與所司切如勾當不得輒令侵欺

元和十一年三月

扈從灵駕

太宗允百官表請不親至山陵詔

朕永懷罔極實願匍匐園陵今女等既以宗社事重固相敦迫劻依所請倍增號絕

随灵駕赴陵所詔

伏以山陵卜兆追號罔極日月遄流先遠將至且如追慕之痛感在因心終天之喪思遵達礼來月十一日二十四日灵駕發引朕侍從親赴陵所宜令有司随事俱擬

親至和陵勅

勅朕祇荷丕罔惟仰先訓方追號号之痛俯臨同軌之期將展孝思宜親營護皇太后義宗深鳴鳳情極攀翫亦欲專奉灵輿躬及園陵寢疾尽追摧之道用終哀劻之儀其大行皇帝發引日

朕當從皇太后親至陵所宜令中書門下准此指揮 元祐三年正月

答百僚不赴陵詔

朕以痛深創鉅園陵有期冀當復土之辰以慰終天之報而公卿大臣敷陳典故援引今古以為一日方撓不可斯須而曠既執禮而愈切唯順情而有違源抑荼蓼之哀懷甫狗股肱之謹議爰因晨省已啓慈順倍極哀摧勉從來請 天祐二年正月

唐大詔令集卷第七十六

唐大詔令集卷第七十七

典禮

陵寢下

優勞

高祖山陵畢賜元從功臣及奉營百姓恩澤詔

崇陵優勞德音

豐陵優勞德音

莊憲皇太后山陵優勞德音

景陵優勞德音

光陵優勞德音

孝明太皇太后山陵優勞德音

供薦

停諸陵供奉鷹狗詔

九月一日薦衣陵寢詔

親謁

親謁陵典赦醴泉縣德音
停諸謁乾陵勅

優勞

高祖山陵畢賜從元功臣及營奉百姓恩澤詔

高祖大武皇帝天縱神武膺籙受圖可久之德格乎平天臨敦睦九族
協和万邦賢能必進德化潛洽革有王之獎興三代之風地成迹安遠
肅至被德於四海休烈光於千載巍、蕩、無德而稱焉朕嗣膺
宝祚夙夜兢惕思述先志被之率土其内外姻戚平生故舊太原元
從官人及歷試之所文武僚佐爰泊胥吏往雖每降国恩恐未周
悉或才庸不申階品屈滯或家道貧匱子孫沉淪須有矜量咸使
得所先朝優勞庶政惟以卹民為本諸州都督刺史政績可稱者
具名奏聞其諸州百姓奉當山陵宜量有蠲免可令有司詳為條
例聞奏並務從優厚稱朕意焉
貞觀九年十一月

崇陵優勞德音

朕以寡昧嗣膺大業永惟列祖之德肅奉山園之重夕惕若厉惧有
缺遺賴三元臣公卿庶士叶乃心力克申與礼今九虞既畢永慕
惟深爰奉疇勞之義差其異數之命山陵使杜祐若子若孫與
一人五品正員官礼儀使杜黃裳特加一階與子一六品官副使李鄘
按行山陵地副使李并賜一級各與一子官鹵簿使鄭雲達與一子
出身儀仗使昇梓官官各賜爵一階色爵掌優賜有差三京元
高陵高陽縣令大寒凍近道鄉村坊市屋宇什物田苗被毀損
并近陵百姓偏有便役委京兆府勘覆聞奉挽即挽士量加優
恤旬内百姓奉山陵秋冬滯雨供應弊所配折納和余並停
永正元年十二月

豐陵優勞德音

朕聞王者大孝本於無違故由於礼則不潜慎於終則歸有厚国
有大事付予冲人永言營奉哀惶靡措雖仰遵先旨已從儉於因
山而俯狗究荒寔載勤於復土况七月之會万方必臻自供億之繁
有車騎之雜賴王天垂祐庶務肅成文物尽哀劬之容道路無風雨

之氣粵自遷座至于返虞人之叶從禮無違者此皆一二輔弼泊左右之臣至于庶寮罔不尽力朕所加歎不忘于懷宜酬厥庸以序功次其山陵使宜與一子七品正員官山陵禮儀使及陵所攝太尉行事官與一子八品正員官山陵副使兵部侍郎判度支李選禮部侍郎崔頌按行山陵地使並賜一級挽郎哭諸司職掌工巧襍役人夫車牛並詢其勞績秩以等級賜官及出身賜勳爵進階減勞選各有差

元和元年

莊憲皇太后山陵優勞德音

孝因本心自天子而下達禮當從祔由圣人而設範朕以寡祐夙罹憫凶追攀方劍閉喬山而未幾永慕禕翟合源陵於此時昊天罔極追感無俾竭誠敬用申哀懷而冢臣大僚庶尹群吏靡不夙夜展其勤勞備物之容既陳嚴奉之勤斯在始終罔替差次宜勞式奉彝章俾新渥澤山陵所攝太尉行事官與一子七品正員官山陵禮儀使與一子八品正員官山陵副使賜爵一級其不優賜各有差園陵所在供役為勞閔茲克奉之勤宜頒施舍之令其富平縣今年夏稅除折諸色價及已徵納青苗錢除損外並宜放免

元和十一年九月

景陵優勞德音

勅朕聞孝莫大於慎終仁必先於卹下慎終古物之有悔卹下固可使忘勞自陵寢戒期郊甸克奉屬春耕肇起宿_變繼登百役所集群司所備上懼之一物遺缺既懷罔極之誠_下輒兆_人之_疫瘵又思不擾之德方將號從靈駕親至山園情為事奪竟不獲遂賴一元輔泊內外庶官嚴欵協心克修典禮永言嘉歎感咽增懷義有必酬式奉勞以申命惠無不決仍蠲賦以加恩山陵使兼陵所攝太尉行事官與一子六品正員官山陵禮儀使與一子八品正員官山陵副使柳公綽按行山陵副使李翱並賜爵一級各與一子出身橋道置頓使賜爵一級仍與一子官內山陵使賜絹一百疋特加一階山陵修築使賜絹七十疋特加一階監修橋道使賜絹七十疋內按行山陵地使賜絹五十疋內山陵副使及修築副使各加階鹵簿儀仗並賜一級各與子孫出身道橋置頓使副加兩階昇梓官三品已上賜爵四級四品五品賜爵一級六品已上

各階口口其中有合選人前資見任各減兩選神策六軍修築山陵官健各賜絹兩疋其檢校軍使及押當所由四品已上賜爵一級仍加一階五品已下各加兩階陵所造作押當使等三品四品各加兩階仍賜爵一級五品已下各加兩階其中正負六品已下合選人前資見任各減三選白身各賜勳三轉諸司諸使應緣山陵修造及專知修造作并諸色檢校執當官典白身及直司掌上巧見功匠等五品已上各加兩階六品已下各加一階合選人前資任見各減兩選白身各賜勳兩轉其給直和雇者不在此限吉凶儀仗諸色行從官等五品已下各階加如至三品五品未合叙者賜爵一級六品已下各階如其中合選人前資見任各減一選諸司諸使押管當官置頓奉幕往來檢校軍將中使等五品已上六品已下並加兩階白身各賜勳兩轉合選人前資見任各減兩選太極官宿衛官及中使大內皇城留守及押當官等五品已上各加兩階六品已下各加一階白身各賜勳兩轉撰謚冊哀冊謚議書冊文及讀謚冊哀冊書寶讀寶官等五品已上賜爵一級六品

已下各加一階合選人前資見任各減一選鑄造寶冊裝冊及檢校官五品已下各加一階六品已下各賜勳兩轉合選人前資見任各減一選題本主官加一階昇寶冊官五品已上各加兩階六品已下各加一階其中合選人前資見任各減一選押鹵簿儀仗挽卽等見任者各加兩階合選人前資見任各減兩選山陵禮儀橋道置頓判官五品已上各賜爵一級仍加一階六品已下各加兩階其山陵使判官與軍將加階合選其知東渭橋官非時放選仍優與處分知道官前資見任各減三選知頓官前資見任各減兩選按行陵地儀仗鹵簿判官及諸副使判官并諸司諸使監當雜職掌官吏等五品已上各加兩階六品已下各加兩階合選人前資見任各減兩選白身各賜勳兩轉其挽卽放出身後七選許集挽士代哭挽歌等各減三年勞合選者各減兩選無勞可減者各賜勳兩轉京兆府及諸州雖斷玄宮石匠及宮寢作頭巧見雖給庸直就中辛苦各賜勳一轉諸色行事官及齋卽礼生并陰陽官三品已上各賜爵一級四品以下各加一階合選人前資見任各減一選白身各減二年勞考滿

頭儀

減選無選

無此條皆
後改
丙子三月

人於放出身其數處職掌任取穩便從一頭處分應緣仗三衛曠
 及諸色人匠并緣山陵應役因夫車牛等各委本府長官本軍本
 使本司量事優當諸道應副山陵叅佐軍將等各加一階諸色職
 後官吏應國減遠可減者宜令所司非時與處分如有諸色流外充
 者各於本色中量減二年勞考可減者選日優與處分京兆府今
 年夏青苗錢應合徵共八萬三千五百六十貫文並宜放免仍委令
 孤楚便以山陵用不尽綾絹依寔支付京兆府充代百姓納青苗
 錢其近道鄉村坊市屋宇什物田苗等有被損毀并近陵百姓偏
 有使役理宜節級優當並委京兆府審細勘覆聞奏應隨靈駕挽
 即挽士諸色人夫等泥雨中不免損傷委京兆府審細訪姓名聞奏
 量加優卹其山陵禮儀鹵簿儀仗使并諸軍諸使諸司將官吏如
 執當務重功效尤異委本軍本司本使具名聞奏中書門下量商奏
 聽進旨宣示中外咸使聞知元和十五年六月十九日

光陵優勞德音

朕孤藐罹疾慈嚴早違靡日不懷終天無逮將欲躬護園寢哀達

出身

神明而公卿病庶寮瀝懇伏奏迫以重義奪子至情是賴一二品臣凡
 百執事賦謁嚴奉各表哀敬百灵供衛六合會同終始四時無爽違
 之憾徃復千里免塗潦之虞感歎盈懷是申勞典既加恩以頒錫遂
 流澤以蠲租山陵使禮儀使兼陵所攝太尉行事官各與一子七品正員
 官仍特加一階山陵副使按行使並賜爵一級各與一子出身橋道置頓
 使賜爵一級與一子官內出山陵使兼賜修橋道使賜絹一百五十疋銀器二
 事特加一階階修築使賜絹七十疋特加一階按行使賜絹五十疋特加一
 階修築副使賜絹三十疋加一階鹵簿使儀仗使並賜爵一級各與一子出
 身橋道置頓副使各加兩階昇梓宮官三品五品賜爵一級六品已下各
 加一階神策六軍修築官健及檢校軍使陵所造作押當官吏及中
 使等并諸司諸使應緣山陵修道造作及專知執當工匠等賜物加階
 爵減選有差吉凶儀使諸色行從官等五品已上各加一階如已至三品
 五品未合叙者賜爵一級六品已下各加一階撰哀冊書寶讀官等五
 品已上賜爵一級六品以下各加一階昇寶冊官及道橋置頓官儀仗鹵
 簿使判官等各賜階級勲改選減有差其挽即放出身後七選許

儀

集南郊及太尉侍中告諭冊謚寶靈座前進謚寶奏外辨奠玉幣酌獻
等各賜爵兩級餘減勞考有差其數處職掌任所便從司處分奉先
縣營奉力役勞敵極深來年夏青苗錢宜令放免櫟陽美原高陵富
平來年夏苗青錢每貫放二百文不滿貫者每百放二十文仍委逢
吉與府司計料便以山陵用不盡錢與填所放錢數其近道鄉村坊
市屋宇什物田苗等有被毀損并近陵百姓偏有役使理宜節級優
當並委京兆府審勘聞奏

長慶四年十月

莊陵優勞德音

礼重飾終義崇敦孝克勤奉卹之志用申罔極之感斯固寅亮輔臣
奔走多士效其忠力濟是儀章俾弘加勞之澤庶表心誠之報應緣
莊營奉其山陵使與一子七品正員官仍特加一階山陵副使按行山陵地
使並賜爵一級各与一子出身橋道置頓使賜爵一級仍特加一階內山陵兼
監修橋道便賜絹一百五十疋銀器二事特加一階內按行山陵副使賜絹
五十疋特加一階山陵修築副使賜三十疋加一階鹵簿儀仗使並宜賜
爵級各與子出身橋道置頓副使加兩階昇梓宮官三品已上賜爵二級

四品賜一級綾所造押當官及中使等三品四品各加兩階吉凶儀仗諸色
行從官等各加一階太極宮宿衛官及中使大內皇城留守并押當官等
五品已上各階加撰哀冊謚議冊官各賜爵一級書冊及讀哀冊
書寶官等五品已上賜爵一級六品已下各加一階鑄造寶冊裝寶冊
裝寶及檢校宮五品已上各賜勳兩轉中書門下儀制官題神主官昇
寶冊官五品已下各加二階六品已下各加一階山陵使禮儀使判官各
特加一階五品已上仍賜爵一級其專知橋道官考滿日放選其知
東渭橋官非時放選仍優與處分知道路官各減兩選知頓官各
減三選按行山陵使儀仗鹵簿使判官并諸色諸使監掌雜職掌
官吏等各加二階挽即放出身後七選許集南郊及太極殿攝太
尉侍中告謚冊寶及靈座前進謚寶奏外辨奠玉幣酌獻等官賜
爵兩轉其山陵禮儀鹵儀使等使并諸使諸司軍將官吏如執當
務重功效尤異制勅中不諛者委本司官吏本司具名聞奏中書
門下奏聽進旨其三原縣百姓今年秋苗錢並放免其高陵縣量
放一半

大和元年八月

孝明太皇太后山陵優勞德音

門下園陵之重典禮是崇德憲章既盡於舊儀嚴奉式遵於古訓
載深追感用初哀懷公卿大臣泊百執事竭忠体國宣力叶心誠敬有
加恭恪无懈永告勤瘁宜洽優恩山陵使所攝大行事官與一子九品
正員官山陵禮儀使與一子出身內山陵副使作者責辦事重与一子
出身山陵使加一階仍賜物四十疋副使二十疋判官十疋山陵監修
橋道使賜物四十疋判官各十疋內山陵副使加一階仍賜物四十疋判
官各十疋山陵置頓橋道使與一子出身副使加兩階判官廷官廷檢
專知官各加兩階合選人前資見任各減兩選鹵簿使賜爵一
級儀仗使加一階陵所造作押當官及中使等三品已上賜爵一級四
品已下各加一階其中正員六品已下合選人前資後任各加兩選白身
各賜勳兩轉諸司諸使應緣山陵修造及專知造作諸色檢校執
事當官白身及直司堂上巧兒工匠等五品已上一階六品已下各賜
爵兩轉合選人前資見任各減一選白身各賜勳一轉其給直和
雇者不在此限吉凶儀仗諸色行從官等五品已上各階如已

至三品未合叙者賜勳兩轉品已下各加一階諸司諸使押當官置頓
營幕往來檢校軍將中使等五品已上六品已下並各加兩階白身
各賜勳兩合選人前資見任各減一選兩儀衛官及中使大內皇城
留守押并當官等五品已上六品已下各加一階白身賜勳兩轉撰
謚冊哀冊謚議書冊及讀謚冊書寶讀寶官等三品已上賜爵
一級四品已下各加一階雙追冊寶裝寶及檢校官五品已上各加一階
六品已下各賜勳兩轉合選人前資見任各減一選題（沐）主官加一階
昇寶冊官及舉寶官五品已上各加一階六品已下各賜勳兩轉其
中合選人前資見任各減一選押鹵儀仗挽即各加一階合選人前
資見任各減一選山從禮儀置頓使判官各加兩階合選人前資見
任各減兩選儀仗鹵簿使判官及諸副使判官并諸使諸司監當
雜職掌官吏等各加一階白身各賜勳兩轉挽即放出後七選許集
挽士挽歌等各減一半勞合選者前資見任各減一選死勞可減者
各賜勳兩轉諸色行事官及齋即礼生并陰陽生三品已上各賜爵
一級四品已下各加一階合選人前資見任各減一選白身各減二年勞考

滿人訪出身其數處朕任取穩便從一頭處分應緣儀仗三衛驍騎及諸色夫匠代選并緣山陵應役人夫車牛等各委本府長官本軍大使本司量事優賞太常禮直官及中書門下儀制官主務皆重事无遺缺特加一階如先以加階者委中書優與進擬諸道應奉使赴山陵幕府軍將等各加一階諸色職長官吏中應合減選人如无選可減者令所司非時與處分如有諸司流外充者各與本色中量減一半劳无可減者優與處分充陵寢勞役寔繁新澤所沽異渥斯及其奉先縣宜放今年夏稅青苗錢如已有諸色折納者即放於秋稅斛斗據數矜免布告中外稱朕意焉

咸通七年六月八日

供薦

停諸陵供奉鷹狗詔

園陵之地衣冠所遊凡厥有司罔不祇事礼存則先是訓礼失則後代何覩致若永圖教忘旧典頃者別致鷹狗供奉山陵至於料度極多費損况昔誠禽荒既非尋常所用遠惟龍馭每以愛心彼耕象與耘鳥且增哀慕豈飛蒼而走黃更備獵有乖儀式元益

崇嚴載懷虧紊良深悚諸陵所有供奉鷹狗等並宜即停

開元二年四月

九月一日薦衣陵寢制

裡祀者所以展誠敬之心薦新者所以申霜露之思是知先王制礼盖緣情而感時朕承丕業肅恭祀事至於諸節常修薦享自流大屆期高風改律戴深追遠感物增懷且諸著授衣令存休潮在於臣子猶息私事園陵未剽典式自今已後每至九月一日薦衣於陵寢貽範千載庶展孝思且仲夏端午事無實傳之淺俗遂乃移風况乎以孝遵人因親設教感漸衣於漢紀成獻於礼文宣示察令知朕意

天寶二年八月

親謁

親謁陵曲赦醴泉縣德音

祐

朕恭膺大宝嗣隆景業虔奉成則光闡洪休昧旦兢懷分霄勤慮蒼旻垂祐宗祐降灵順黎元之心藉忠賢之力俗登仁壽道暨升平遠肅迓安時康俗阜履端授節陽和肇氣親率庶僚奉謁陵寢遺芳茹慕切終身之憂撫鏡總悲典寒泉之思敬深如在哀隆同極薦享既畢情理獲申式表因心宜私凱澤可曲赦醴泉縣并行從

人大辟罪以下皆赦除之百姓免今年租調左監門員外將軍常基在此宿衛進爵一等陵令陵丞各加一階並節級賜物永徽六年正月

停親謁乾陵勅

蘇頌

勅昔有獻高寢禮遵於仲月將上原陵夢達於中夜所以銜悲因極申
勤如在鑒于前史抑有舊章朕以寡昧早罹酷罰屬遠安迹肅慶
丞於七廟霜來露往感積於四時頃迴於旆洛師停輿京邑蓋非省
風倍希先王後后之言伏以瞻山園奉聖人因親之教有司已具成命
必行渭北衣冠預嚴於法駕陵東松柏傍蔭於清道先陳翼之詩
後展蒸之之慕益冬戒序計日數程義在因心不忘寢寐但以近
郊并隨車時水旱賦于納秸未瞻規田取贖彼盈箱曾微寔稟而公卿
常百獻書立議咸以為明察敬事撫臨愛育若万乘不備其禮故非
敬也百姓不勝其勞故非愛也况駿奔執豆夙事於象居攀恋遺弓
載勤於奉邑以州身之兼顧殊先志之恤隱是則幸於濟物咎必在
予所不忍言諒非獲已俯順情逾增遠思前以今年十月二十日親謁乾
陵者且停景龍三年十月十日

謁五陵赦

祀之大者莫尊於嚴享德之至者莫加於孝敬故周廟頌思文之章
漢陵躬展事之禮因心斯在敢不肅祇我國應天受期駿惠丕命繼
武宗文之德重熙累洽之盛故以道高系表首冠帝先朕以眇身獲
保鴻業往屬多難時建國屯推戴神宗纂復興運允迪前列載康
兆人皆仗卿士之謀叶人祇道贊豈伊薄德敢承天休露往霜來
久積園陵之思秋嘗夏禘幸思孝享之誠乃夏朔辰祥芝產於太
室反秋吉之日珎木瑞於神宮對越上灵拜茲嘉貺頃秋稼未實民
易尚勞每事害農豈惟在予一人之責因親設教恐違先旨隱恤
之方今三時已和百禮斯洽崇牙宿設万儻在庭敬尔神工駿奔執
豆蠲潔為禧明德惟馨有來雍七載懷怵惕之思至止肅如聞
歎息之聲降格有終纏感罔極闕宮鬱鬱雖衣冠或將親掃
松柏用御崇飾增嚴瞻弓劍而莫及捧鏡奩而嗚咽始自橋岳終
奉梁山紫氣昇於旧原甘露徧於陵樹白兔馴擾瑞草呈祥恭
唯昭陵載感玉業輝台小子夙奉睿圖及裔誠虔誠率祇祀典

有誤未詳

景龍三年十月十日

聖容昭見靈跡尤彰每四方多虞中國有事雖舟寵已遠而曜
馬如神及配奠壽宮親聞抃躍幽明合慶今古未聞蓋皇天眷于我
唐神心昌于後嗣延祚之祉豈獨在予一人錫類之恩宜廣覃于四海
可大赦天下自開元十七年十一月二十二日昧爽已前大辟罪已下罪元
輕重已發竟未發竟已結正未結正因見徒常赦所不免者咸赦除
之自天[○]寶以來有褻犯經移近處流人并配隸磧石瓜州者朕捨其
舊惡咸與推新並宜放還其反逆緣坐長流及城如量移近處編
附為百姓左降官量移近處官人有亡官失爵齒力未衰者量加
收錄百姓元出今年地稅之半如已徵納聽折逋祖懸調在百姓腹內
者一切放免孝子順孫義夫節婦旌表門閭終身勿事諸州侍老
百歲已上賜綿帛十段九十已上賜五段八十已上賜三段獻陵定陵官
使并管陵縣官各加一階陵戶各並放從良終身洒掃陵寢仍每陵
^取側道取百姓六鄉以供陵寢永勿徭役自古帝王賢臣將相陵墓
宜令所在州縣致祭内外文武官三品已下加爵一級等四品已下各
賜一階並獻太子鴻賜物二千疋終獻慶王潭賜物一千疋邠王守

此書在下來
卷二

園各一所并量賜奴婢等其道士女道等既先令司封檢校不須更隸
宗正司所置崇玄置署宜停占之制禮祭用質明義兼取於尚幽情
寔緣於既沒我聖祖湛然常在為道之宗既殊有盡之期須展事生
之禮自今已後每於聖祖宮昭告宜改用知時已前行禮朕深惟復補將
致無常在理唯玄風未暢不有時習焉能化成自今已後每至三元
日宜令崇玄館李士講德道經群公百辟咸就觀禮庶使軒冕之士盡
弘南郭之風寰海之內咸為大庭之倍其崇玄李士補置猶近於經
術或未精通又屬初崇聖筵親行典冊宜弘勛獎以示恩惠至舉口
試及佔并策各減一條三年業成然依常式其崇玄館大李士宜賜物
一百疋李士賜六十疋直李士四十疋營內先配住道士各賜二十疋仍令所
司具作條件處分宣布中外令識朕懷主者施行

上聖祖大道玄元皇帝號并五^加謚^制

握乾圖者必稟於元命宗道本者允屬於強名是知物通昭感之德報
功尊祖貴叶崇之義朕^在荷丕業恭臨大宝何嘗不宵衣滌慮菲食
齋心奉玄聖之範為蒼生以祈福自頃昊穹眷命之道降休玉芝再

本紀卷八
丙寅

產真容累見嘉應荐來因之攸答豈謂玄記陰陽祕謀混成懸懲造化之源密紀靈之度慶崇真錄昭錫朕躬初驗神傳竟彰天授幽深累跡殊既於人代朴畧奇象固絕於名言緬覲皇圖欽承道室有寅畏增深思申嚴敬之誠以崇廣大之業謹上玄元皇帝仍以

來月五日朕親奉冊禮國家文祖神宗重熙累洽無為之訓垂祐清靜之德在人慎寧後昆屢承大業是用欽玄符之景命歸清廣之延祥稟慶真源先昭至烈謹上祖高神堯皇帝尊謚曰高祖神代至皇帝太穆皇后竇氏尊謚曰太穆順至皇后太宗文武至皇帝尊謚曰太宗文武大至皇帝文德至皇后長孫氏尊謚曰文德順至皇后高宗天皇大帝尊謚曰高宗天皇大至皇帝大至則

天皇武氏尊謚曰則天順至皇后中宗孝和皇帝謚曰中宗孝和大至皇帝和思皇后趙氏尊謚曰和思順至皇后睿宗大至真皇帝尊謚曰睿宗玄真大至皇帝昭成皇后竇氏尊謚曰昭成順至皇后肅明皇后劉氏尊謚曰肅明順至皇后廢彰祈精之感降貽厥之元符聿修誠達孝思於罔極更以來月五日於太清宮至前恭

清宗王

丙子五月校補此卷

禮寧王憲薛王業各賜物八百疋忠王浚棣王洽鄂王灑光王湑等各賜物七百疋中書門下賜物五百疋開府王毛俸賜物三百疋皇親五等已上諸親三等以上及文武百寮各賜有差自古明王因心以待物人由已以施物故休戚共而憂樂同也中書門下丞相尚書開府三少大將軍父賜三品官九卿三監十二衛監軍羽林軍五省官三府尹大都督府長史父各贈品官已下清官父各賜五品官九所贈官宜兼贈母邑号俾夫群臣受策上延父母先帝遺澤下及幽顯與言及此良多感嘆君臣一体榮辱是同蛇地之歌古今作誠其唐隆元年兩營立功官三品已上與一子官其四品已下選日優與進改京兆府供頓免今年地稅諸道戰亡人家仰州縣存恤不支濟者量事賑給諸軍健兒別勅行人各賜勳兩轉



